

藝文志

藝文之載肇自班書歷代之史因之傳其人識其地
與事使千載下如將見之固非侈談博洽也興邑建
自前明嘉靖庚申歲地雖褊小文藝無多而其間之
山川如橫峯赭亭之秀接靈山人物如陳康伯劉白
石諸先生昭代如鄭大雅王嘉猷後先輝映文采葩
流他如宦游旅寓迭相吟咏亦復不少爰作志

詔

興安縣志

卷三十一 詔

一

擬親征詔

宋 陳康伯

朕惕膺祖訓祇遙皇圖永惟國步之艱難越在海隅之僻阻
間者亟馳於驛使庶幾多戢於兵鋒而邊候屢驚敵情未
革既搖蕩於秦隴復窺伺於荆襄合億萬姓之黎民久遭
殘虐致二百年之陵寢莫獲薦陳爰奮勵於諸軍以肅清
於舊壤靡怠前矛之警備將臨細柳以勞師副上皇與子
之心據列聖在天之憤肆譏龜筮躬御戎車眷言清蹕之
初申飭攸司之衆各惕乃職明聽朕言毋徭役以煩民勿
誅求以剝下佇成嘉績迄底康平咨爾內外咸體至懷故

茲詔示想宜知悉紹興三十一年月日朕履運中微遭家
多難八陵廢祀可勝坏土之悲二帝蒙塵莫贖終天之痛
皇族尙淪於沙漠神京猶裂於版圖啣恨何窮待時而動
未免屈身而事小庶幾繼好以弭兵屬敵人之無厭曾信
盟之弗顧怙其篡奪之惡濟以殘忍之兇流毒甚於窮奇
視民幾於草菅赤地千里謂暴虐爲無傷蒼天九重視高
明爲可侮輒因賀使公肆嫚言指求將相之臣坐索漢淮
之壤吠堯之犬謂秦無人朕方務於含容彼尙飾其奸詐
嘯厥匪類驅吾善良妖氛寢結於中原烽火遂交於近甸

興安縣志

卷三十一

詔

二

皆朕威不足以震疊德不足以綏懷負爾萬邦於今三紀
撫心自悼流涕無從方將躬縞素以啟行率貔貅而薄伐
取細柳勞軍之制考澶淵却敵之規詔旨未頒歡聲四起
歲星臨於吳分冀成淝水之勛鬪士倍於晉師當洩韓原
之憤尙賴股肱爪牙之士文武大小之臣戮力同心捐軀
報國共雪侵陵之耻各肩恢復之圖朕以某月某日親臨
軍前撫勞士卒播告中外咸使聞知

傳

白石先生傳

明
呂 枏

有宋儒曰□石先生姓劉諱養浩世居上饒葛源安輯里大理評事□□先生之仲子也生而穎異不凡五六歲時客有父執□□過其家先生執禮中度儼似老成人客與之語甚奇□□千里之駒東白其有子乎從宦居京師講科舉之學於太學生郁周徘徊久之曰人不可以不學也而學止此何爲耶時勉齋黃氏倡道於閩亟往從之聞居敬窮理之教充然有得凝神淵默志道精純於凡天人事物之理體驗靡遺蓋自閩歸絕不事言語文學惟以躬行爲本晝之所爲夜必書以自儆苟有未安則戚然至不能

興安縣志

卷三十一

傳

三

寢食事東白先生左右就養非命不離其側有少疾則憂形於色藥餌必躬曰茲望以愈疾也而委之僮僕也可乎太夫人早卒恨不及養每忌辰節享必長悼悲號曰祭雖豐何如得承歡於生前哉閨壺肅然如在外庭上下雍睦不爲詭言異行而人安之久之益敬信也洎舉太學進士授寧國府教授官以禮律諸弟子初或不諳久而歎服曰先生教人也如是持己也如是是非徒言爲者居逾年奔東白先生之喪情從禮制緣俗稽經舉足爲世之法服旣闋不復起隱居築精舍於里之僻地益肆力於道學曰學

在立志也孔子十五卽志於大學矣由是而立而不惑而知命耳順不踰矩不獨覺其進不容已而爲萬世之法程哉於是遠近從遊者日益衆先生隨其材質各成就之有以讀書爲問者曰經傳發明吾心之理純粹精確愈讀愈有用至如諸子之言雖工而不近於理者亦有之要須能擇斯爲善讀有以爲學之要爲問者曰天人元無二理聖賢總是一心宇宙間凡所當爲者皆吾人分內事而致知力行老先生之教具在盡其體之所謂老先生者遡黃□齋而上述朱晦庵之謂也其學之正如此後以疾終於家

興安縣志

卷三十一

傳

四

鄉里士人感激化行咸稱白石先生云先生事載郡乘祀之鄉賢不患不傳之後茲十世孫太學生且篤學克肖尙懼弗彰屬柎以傳其事柎蓋聞風慕義最深且久者也遂卽遺文次其行事以告厥後之人

記

新建興安縣記

明 呂 懷

洪惟我太祖高皇帝奉天圖治開設郡邑廣信凡爲邑六其制大率因元之舊興安舊爲弋陽橫峯地由靈山分脉百餘里伏爲平地頓起星峯巉巖排列四週纏護外狹中

廣諸峯拱秀如畫豈非天造地設形勝精靈蘊藉久而必發有不可終掩者耶其地草蕃木茂可須以薪厥土墳壚可殖元末多江浙處人居之以陶冶爲生成化宏治間利源日開生齒日盛而其性習猶類處人厥後民稠土竭生理漸微每歲值荒歉其諸細人往往跋扈不循約束鄉隣世室患焉正德年間巡撫孫公奏設本府捕盜通判住劄橫峯專治窟獍此其爲一時制御之方然率以生藝無歸強獷性資不免投間而發嘉靖庚子歲饑劫奪風生蔓延諸境知府趙公下令捕獲賑給而安時耆民王庸生員葉

興安縣志

卷三十一

記

五

馨具請加設縣治以控制諸頑疏下巡撫汪公巡按沈公檄司道會勘議於弋陽上饒割地例視裁減邑制罷設捕盜通判及丫巖巡檢寨司覆稱旨然未□舉也歲丙辰倭人煽亂地方設兵爲備禦撫窟通判劉□署郡事窟兵乘機劫掠釀成焚殺季坤挾質魏幕之禍揭竿禱旗勢日猖獠賴邑令徐浦撲滅鎮定庚申春馨與耆民何毓秀復請終議上可之賜名興安凡爲全里者二十一事下郡邑相視區畫治居下里之中闢北山之麓爲學宮其東南爲預□□□南爲城隍廟廟之東爲行臺西爲分司城外□

壇者三南山川社稷北邑厲迤東爲演武亭仍舖基之舊爲養濟院而其所經費則或需於官或需於民蓋不假歲月而大功告成矣是歲冬十月天曹叙選以陳君慶雲爲縣令典史蔡養浩學諭梁景盛學訓黃英其諸雜職各除選有差於是都鄙有章上下有服統體相維教養兼濟雖有草妖水怪虫獸孽精固無以自逸於禮法之外而肘腋蕭牆之變無從生也是舉也上下經度計今二十餘年少師夏公實經始之少師嚴公圖終之巡撫何公張公胡公周公巡按鄭公段公陳公先後建白區畧之守巡司道蔡興安縣志

卷三十一

記

六

公王公楊公李公覆議之知府江公料理之守巡蔡公崔公知府王公同知王公節推李公撫綏而維持之要其經畧事詳率難備書姑計其畧以俟考云

新城記

明
畢竟容

皇上御極之三十有九載詔設興安縣析壤附民命官建學諸事宜一如所司議明年春知縣陳君慶雲至士民和集居數月閩廣盜起流劫吉贛建撫諸郡而瞰縣之無城者輒肆標掠遠邇恐動是秋也有粵兵戍於閩者撤還於□途爲亂窺犯玉山遂及永豐二縣官民廬舍焚蕩如赭

興人益大震懼巡撫大中丞滁上胡公自浙來首入吾郡
究永玉不戒之由慨然憫興邑之新建亟圖所以保衛之
計命郡貳王君時拱相度城址凡工役之費督理之勤則
檄陳君專任之顧縣依高山山皆巖石峻其平曠增其卑
隘東西緣岡阜南遵河壩修築如式迤北則全因故山不
假封壘約工力之所就者六百五十丈有奇而女墻堞口
之類四面咸具各面開一門以出入仍架樓於其上郡守
江公珍考厥成事爲署以名東曰賓陽西曰雷暉南曰迎
薰北曰拱極其取義亦備矣經始於是歲之冬十二月而

以次年秋九月訖工陳君介書於余曰賴公之靈民始有
定志是城也誠繫於興甚重而裨於慶雲者至切也願徼
惠一言以識不忘予辭不獲憶昔視草職方覽閱故籍凡
更置郡若縣必吏於其土者詢謀維審開陳其所便然後
與之籌議疏請裁於上興諸生葉馨等走數千里稽首闕
下共訴一方哀苦之狀若胥恃以有生者爲情雖迫猶必
咨之撫按叅之司府協之衆庶將舉而輟旣寢而復者屢
矣迨至成縣之日逾二十載外寇之患倉皇無備猝欲口
而去之公之爲斯城也數月之勞耳拯二十年倒懸之危

貽千百年磐石之安公之功德何如也然興之得縣奚啻
興人之情惟爾窳丁素多勇敢山川阻越當一郡噬臍之
間徑路旁達閩歛前是之變屢爲中蠹頻生戒心今立其
城矣專官而治依城而居萃焉知方將稱雄藩焉夫然後
知得縣之可樂也公之規畫始於旬月而功德之垂其大
且遠有若此者於戲興之人曷敢忘吾一郡之人亦曷敢
忘余故爲將其情以告陳君撫茲新邑百務聿興成城其
最大者實宜有記若工費之自出與有事茲役者則記□

碑陰前
志

興安縣志

卷三十一

記

八

建學宮記

明 桂 榮

興安縣界弋陽橫峯窳之間山粗水淺土故瘠臺憲岳牧
從民請乃開縣治初時民自澍之處州來襲其土壤抱菽
陶殖久之陶殖寡售閒民不得食則衡行難制正德中憲
臣請設府判約束之歲稍儉輒復呼羣破廩之死靡悔嘉
靖庚申春都御史何公遷巡按御史鄭公本立以縣之生
□葉馨耆民何毓秀等具言窳民弗靖請分縣治有府館
可縣有民宇可學有府判巡司衙役可更有絕產積資供
費可給設縣便乃僉謀行廣信府閱視其實皆曰可縣民

復走京師上疏以請都議度土分民裁弋陽上饒所轄從簡立縣學亦如之先數年府判設塾山間思欲以易其俗人無法守條習倏廢頑梗亦莫之馴茲辛酉歲初張官置吏建學敦師民之耆俊各供事匪懈諸莽伏不戒且戢矣况聖諭有碑聖箴有訓凡我師儒無亦是務乎學在縣治之後廣輪袤三十七丈有奇廟廡在前堂齋在後重門兩廡其八十楹階垣甃甃塗墍丹雘皆以漸就緒費則公私兼舉役則大小咸事始辛酉夏初迄工壬戌秋後縣之所攝僅二十一里官師限以二員廩膳限以十名從縣儉爲

興安縣志

卷三十一 記

九

之制今巡撫御史胡公松巡按御史陳公志分守參議崔公都分巡僉事崔公近思知府江公珍同知王君時拱推官姚君筐弋陽知縣陳仕上饒知縣孫光遠興安知縣陳慶雲教諭梁景盛訓導黃瑛典史蔡養浩與有勞焉例得並書

修建文廟記

明 鄭以偉

興安故窟地也陶人不靖弄兵箐洞間久矣正德末中丞孫忠烈請設一叅軍蒞之置塾巖谷中庸柔勿友條集倏廢嘉靖辛酉始縣建學敦師視他州郡學從縣儉爲之制

官司限二員博士廩限十名自是文風日盛督學大夫
議益餽視他庠額雖進對公車者尙之而歲舉相望垂五
十餘年鋤耨棘衿之區忽委介免胄而佩觿斯亦足明學
校爲太平原哉顧學燬於火前令陳公雖新之而址在縣
東北迻委巷 文廟僅奮羽籥列六佾八籩弦誦聲民間
可踞竈觚而聽也分水郎侯令斯邑政治之暇聯弟子員
較之士用丕變偶行學竊嘆曰恒袞治閩閩始知學豈十
室無忠信耶然莘莘學徒安所肄業盍新之便僉曰諾西
曠請西之於是僉謀旣同牒郡及兩臺咸報可郡大夫張

公亦捐俸以贊諏辰計庸閱月畢僦遂拓而西侯方颺言
曰以歲之不易豈敢以馨鼓勤吾民將俎豆是爲徒宇之
恢而教不著吾恐復爲唐肆也古右師左師取諸鄉老舍
不糞除咎在有司若惠詔多士則在更老矣吾曩獲交鄭
太史固爾鄉更老盍往質而煩以記史偉曰吾於侯新學
舍也得學焉先儒劉靜修有言東家之西西家之東也夫
學於東與徙於西何異以東之陋也侯不欲諸生安於苟
必拓之西然後愜舉數十年因陋就簡之事一旦毅然
二庀材卒無有難者格其前誘者挽其後半塗者框其

卽此可以悟學矣聖人之道以天性爲堂奧以有恒爲基以深造爲工以民胞物與爲宇以誠爲門以良知爲鑰各足於人心而流露於彝倫間其矢心景仰者卽素王之羹牆至今在惟欲溺之則仍於陋而不能自遠故居身安暴棄用世安功利風俗所以日偷如逆瀨之舟力撐而不能上人物所以日卑如齷鼠食牛之角愈趨而愈纖皆仍於陋之一言爲始邑僅二十里誠僻左矣性豈以僻故靳耶多士不誦泮考亭乎而產於閩其初固泯泯無諸之國耳蓋天地之闕者必開而孕者必拆誠如徒學者之不以陋

自仍孰謂爾鄉之無者亭且也學之徙必資財木石需程時日一夫不贊則牴牾而不舉侯內斷於心一二鄉大夫愆愆之事遂以集以爾才性其情無資藉需待之煩又愆愆之以師儒而襲於逗是則所爲仍也若不然居而豪舉橫議出則犯清議以爲敢使人遯其出而曰某庠士也將子衿之刺興矣明水三升垂綫五寸其何解於人之罰善乎王文成公曰殿無堂舍拓而輯之有司之修學也求天下廣居安宅而修諸身此師與弟子之修學也予則謂多士得侯之所以新學者新其心各去其鄙效之用而後學

不惟唐肆若邑自是有陟王庭則多士必有起而應之者
固無所容予贅起萬厯庚戌某月日涉春告成爲明倫堂
一高廣倍舊爲廟一加丹雘焉爲櫺星門一雄倍舊敬一
有亭庖福有所碩倍舊爲齋若干楹爲博士廡若干楹博
埴則國所有灰堊鐵髹之屬以鬻梓圻人以募雜役以儻
不及徭糜金千侯諱文煥字某出許敬菴之門起家明經
爲政以循良聞穀淡衣布而獨留心人才之地君子學道
愛人如此教諭台州李君應元訓導撫州劉君炬督其役
者鄉先生澂江別駕管君應泰也例得並書

興安縣志

卷三十一

記

十二

添建臥碑號舍啓聖祠碑記

明 楊時喬

興安立縣僅議割上弋各十里賦役繁重雖禮儀經制之
需無攸出學宮之肇謀也卽就故社學拓其基初令陳君
繼至諸君各量輯之諸制皆未之備也今大令青陽孫侯
初臨謁學慨然謂邑博曰先王禮義不逮庶氓先之士以
率之大夫又率乎士者也今之令亦古之大夫予忝厥職
不章物采樹軌範以先之其何以率士而作善於民哉敬
以聞於守道王公太守林公二守朱公別駕李公節推陳
公咸用嘉樂於是首出資建卧碑敬一四箴諸碑以尊教

本請益增廩如他邑額以廣教澤踰年又捐俸買民地構校舍十間共前二十間啟聖祠門祭器書籍庫三間通儒橋一所集賢坊一座廟廡堂垣咸備新邑自是始改觀焉邑博張劉二君偕諸生詣予曰侯來期歲政必先加惠於我二三子而槩見於興學願爲之記予謹總前事而申之以古今善民之道或謂古純用教今純用治我觀三代羣所治比閭族黨之民歸於庠序學校而教以明其自有之倫斯情親品遜而爭奪以息是謂純用教以其治亦教也後世非違去乎教而其所頒列爲條教者實治法也一有

爭奪亟敕法以治之治之不已則刑刑之不已則兵安得有所云待教而誅者是謂純用治以其教亦治也世運從而升降於其間也興安建置之初卽循比介我有周御事成憲取在邑舊遊他庠之士同其子弟而羣教於學於今士多向方民安常業治效旣灼然矣然欲純變而之善也舍教奚以哉今之爲教如謂必復乎先王絃誦音節制度文章屈伸綴兆升降周旋之器之文用以磨養其耳目血脈性情需其自得似難於遽言惟人之倫卽天之理而分定於心聖智非增凡愚非損特由乎明迷修悖之異而已

自今士之來遊於茲常觀於物采而爲師儒者軌範皆樹
自乃身將率夫士之悖者修迷者明倫理旣明行業交暢
居無爭辨奪利於鄉出無爭能奪名於朝民感於所率胥
嚮風絕爭奪消逞犯善習愈不同矣諸大夫行將於國家
用古以教爲治之道不有其成俗也哉余居接比里素願
樂觀其成而孫侯就兢百廢具舉誠於興學見其槩爾侯
諱楠青陽人董成其事者則邑博劉濟民鄖陽人張世揚
建德人續任何璧彭澤人邑幕陳伯清長樂人皆先後與
事者也

興安縣志

卷三十一

記

十四

課士館記

明周璞

興邑新建舊無課士館今設館十七間劉侯一貫以自理
贖緩爲之館設東郭外不雜於市廛不混於紛囂四山環
帶茂樹菁葱諸生肄業其中越三月管子應爵周子文煥
丐余記余愧不敏亦嘗記於學宮矣夫學宮月有試旬有
會而又得是館以課之課其文耶抑課其行耶彼射者頻
習決拾後克中鵠戰者預操戈胄甫堪底伐不爾偶彎弓
而目眩驟臨陣而股栗課士之意亦若斯也士果文與行
兼修則以經術之學發爲文章居則有所本出則有所爲

獨善兼善皆課士之力也若徒弄詞華以獵滄瀆藉門戶以梯輕肥甚且正人不齒羞與同居豈今日立館之意哉劉侯親畝督耕農則勸矣照丁輸役匠則同矣不費行直商則通矣彼皆懽然相應士爲四民之首侯方以實心作之諸生必有勉而應之者矣因徇管周之請故記之

增置課士田記

明周璞

興安新創無學田賴孫侯諱楠置租二十餘石申詳學道獨歲給貧生數人有候批詳允之煩查盤文移之擾丙戌秋不佞就祿興庠諸子語之故有慨於中而未遂也於是

興安縣志

卷三十一 記

十五

偕詹君標謀之自計薪水之貲以外積三載共成租二十八石劉侯捐俸置租二十三石已而義士周可貴命其子文煥生告曰家賴先世之遺產以無虞饘粥願出租八十二石以助學田令青衿之士無憂於壺飧之需而俾文會之可久乎余小子驟然曰嗟乎周氏哉無忝義士之稱矣余初抵興邑見岑山綿亘聯絡如毬如帶四峯秀若屏帷拱衛環抱意其人文之叠出也者乃登堂與二三子究竟經術則知文會之缺如也予創而設之會焉而椅桌之類卒苦諸門役恒慮夫會之不繼也乃亦曲爲之措矣而茶

餅壺殮之需尚以兩衙給之復慮夫會之難以久而不口也今一倡導而得義士和焉愚所慮者固免矣是邕吾興起二三子之志於垂久者周氏也屬葉子廷桂管子應爵等移席而請曰難哉周氏子矣不愛百金產以助學宮度越常情遠甚斯不欲盡取天地之餘以厚吾興之爲士者是則可傳也願勒一言以勸來可乎余次而記之爾諸生念及於斯田所繇措成也當自砥礪益奮以報稱當時而應山川之秀奚待不佞詔哉可貴善行昭宣若焚券哀貧給棺瘞枯散粟周急邑稱善人業載誌中不備述萬歷十

興安縣志

卷三十一 記

十六

七年歲次己丑秋九月教諭周璞撰

建文塔記

明孫芬

郡縣類有塔凡以壯形勝大文明也興安之建於今蓋六十餘年矣地雖險稱奧區踞豫章上游且岑峯疊翠紆迴秀麗其間必鍾豪傑以吐岑陽清淑之氣而科第未開亦運會尙有待耳歲甲子張公國經審形勢建塔於南城之阜蓋合形家文筆天馬之說也工方半而侯以卓異調江侯襟楚繼之作人雅意與張先後相印甫兩月而王生嘉猷以尙書領高薦僉謂非建塔之功不及此邑諸生乃進

而請曰文明之開肇於一日運會之盛啟於數人自塔成而天荒破後之應地靈而稱豪傑題雁塔而耀史書者安知其不如費鵞湖夏桂洲汪石潭諸先輩耶公其記之以爲多士勵予曰然遂直書其事以志不朽

演武亭記

明 歐陽濂

聖朝混一字內右文崇武令天下郡邑練習於教場預備不虞焉興邑之訓練尤有亟於他邑何也一則駭於見聞民業陶埴力穡有眉龐齒兒不辨橐鞬刁斗爲何物者見彎弓躍馬羣起環視駭其爲狂一則狃於無虞邑地東抵

興安縣志

卷三十一

記

十七

饒西抵葛陽鉛山蔽其南縱他都有警此則阻山據險亦足自完往歲流寇□發賴窳民握長竹笏禦之竟不敢深入但偶一幸耳豈可爲常乎先是設縣時卽創教場相上里之北翦焚榛蕨度其閒曠爲講武之區未三十年而大壞矣邑耆老屢以是請劉侯乃捐俸金營焉小子聞而嘆曰無不事事無大多事政之時也多事者擾不事事者怠侯無擾無怠隨事劑量務在休養元元相可而動諸所營建始若不喜事及事之集也若無所事事者則以力不空役使不奪時焉耳斯亭之成也其足以備不虞乎是爲記

國朝初混一海宇宋大史請考證周禮詔天下郡邑爰立城隍之神專祠祀焉有司歲舉行之蓋以陰陽表裏有明拊其民者必有幽鑒其民者旱澇禱之疾疫祈之孰非爲元元造福除青以遂厥生乎興安設自嘉靖末百凡草創利在速就其城隍祠宇址旣湫隘而材太陶石諸物又率取便一時非堪歷久遠者乙酉邑侯劉公任茲土先一日設壇宿於祠見其頽圯乃慨然曰城爲國而設神爲城而祀奈何令圯壞爾爾哉然不欲輒煩吾民也遂捐俸鳩工

新之後又因陰雨滴瀝至用雨器蓋神像父老以通變順民請於是仍出餘俸以先之寮佐以次致俸助焉乃屬幕僚蔣君董其役傾者植之隘者宏之固其基址鮮其塗墍中建殿宇輔以夾室兩廡旁翼藩墉四周而貌像幃幔足以肅一方瞻仰矣是役也經始於丙戌之季冬落成於丁亥之十月於是縉紳士庶謀勒諸貞珉而屬記於余愚謂節財愛民固王政之大端然亦顧其時何如爾能因陋於可因之時而不能坐視於極敝之日况民稟異宜習俗異尙上之人布德意宣令甲善者賞勸之不善者敕罰之口

其賞罰所不及者一見神威之儼赫未嘗不竦而慄者故有逸刑賞於官司而不能免果報於冥冥則茲祠之建也豈無裨於王化之萬一哉侯諱一貫字子唯號省吾

社倉記

明 歐陽洵

社倉之法肇於宋儒文公朱子其後膺民社之寄者率祖之誠政之善經也然世無不敝之法有善救敝之人法斯倚之以不窮故曰有治人無治法非虛語也興立社倉舊矣積穀八百石有奇例編社正副六人更番守之每經查盤不免有折闕之累罰鍰之納守者病之然莫如之何萬

興安縣志

卷三十一 記

十九

歷十四年邑劉大夫慨然作而言曰積穀以賑民也顧可以養人者厲人乎儲均吾儲也倉均吾倉也卽社倉與預備奚殊矣而兩之耶乃請諸當塗議以社倉儲穀併入預備倉以一委吏守之革去社副報便如議於是撤社倉罷社正副莫不譁然稱快若將僵者之釋重負然余時備員河源家伯氏與誌事寓書於余且徵記余謝不敏弗獲乃書此以復姑志其實耳非曰文也嘗試論之爲治者如鼓琴瑟琴瑟不調甚者必解而更張之乃可鼓也欲其調而膠之柱非善識治者也善識治者可因則因可革則革神

而化之與民宜之故易垂革故鼎新之訓凡以示爲政者
貴通變以宜民耳若劉大夫其可謂深於易者矣非才力
兼濟者孰能當之雖然此一事耳嶺海之濱雖去興壤五
千里而遙頌善政大得民和時時傳播然十喜十好之歌
青天四有之頌皆由衷之激發非口說之是騰他如修學
宮以造士督墾田以闢荒編火甲以便民親履畝以訓農
攢實徵以清賦刷城社以弭奸修陂塘以導水設課士館
以會文立社學以淑蒙頒八行圖說以諭俗施藥以起癘
給棺以惠殮種種難以枚舉無非實心實政爲興民萬世

興安縣志

卷三十一

記

二十

之利此非予一人之言也一邑之言也闔郡之言也予讀
漢史循吏傳其治行卓越嘉祥徵應者則有鳳凰下之以
覽其德輝若黃穎川輩是也大夫爲政何謝穎川卽史言
可信吾興旦夕將有朝陽之鳴矣謹傾耳以聽惟時武進
蔣君秉志實尉吾興通敏之才清修之履矚然者也贊畫
之益於茲乎在矣因并書之

便民倉記

明 葉 鏜

興安縣故爲信之橫峯市鎮國初徙處州民居其地世以
陶碗爲業其俗獷悍剽疾好鬪易以生亂後乃設督捕通

判一員蒞其地立府館焉歲嘉靖庚子夏饑其民請粟於官弗許諸惡少遂相率持鋤挺強發人倉幾至大變乃捕戮其巨魁數人幸亦有秋始安息後輒反側弗常司土者憂之其鄉之耆老士民乃始有立縣分治之議嘉靖己未予以南大理考滿北還經其地其鄉之父老率子弟數百人迎勞於郊懇陳欲建縣治之意適巡按鄭公本立按信予遂以父老之意白之鄭公慨然上聞乃下戶部議時大司徒高公熙齋擢吉嘗與予同官京兆值予北上卽以其事訪予予歷陳其便乃復議以聞詔許之錫縣名興安割

興安縣志

卷三十一 記

二十一

上饒弋陽附近鄉圖立爲二十一里設縣令一人典史一人儒學官二人城郭公廨悉井井有條矣然事多草創倉庫尙無定所歲時微收率僦民舍以儲粟或露積無蓋藏及赴水次每有紅腐侵攬之弊民甚苦之適縣令孟君來治縣事慨然以振弊爲己任乃白其事於監司儲藩節縮浮冗鳩材募工擇於縣治南城之闔建倉廩一區內有堂一所廩分二十四口東西向各書都里於其上以便輸納扁之曰便民倉又於分司之東建倉一區倉口有六外爲□樓一所扁曰義倉以儲贖粟備賑焉經始於隆慶四年

秋月落成於五年春月民不告勞而事克就緒皆孟君之力也予遯跡邱園不習竿牘之務數年矣偶興安學諭謝君澹訓導包君朝太偕國子生管易葉桂庠生葉光祖管理紀俊李希侗張永志持幣謁予請予爲之記固辭不獲予聞爲政之道在乎宣民便民卽所以宜民也予得之口碑孟君廉明有威多善政此特其一端耳君之先人壽泉公以進士歷官按察司嘗以直諫事武廟敷歷有聲爲時名臣君之家學淵源蓋有自云君諱倣湖廣之武昌人其尊人諱廷柯別號壽泉特書以志自也其間効勩匠氏工

興安縣志

卷三十一 記

二十二

役例應得書刻之碑陰以詔來者

畱恩橋記

明 劉一貫

興安縣東二里許山水自北而南橫衝孔道先時捲土爲橋名曰土橋後水勢奔騰土橋崩圯漸成巨漚居民斃石築大橋以濟萬歷丁亥春夏驟雨異常石橋左右裹土盡剥戊子又大潦橋石遂壞歲且大禋余將率饑民趨工作以就食而石木諸費無所出也則甚憂之有僧名明通者自言素治藏經嘗得誦經之費久而未用愿以是充橋費不必求助於人又與其徒真相獨任經理之勞不煩董役

余方憂饑民靡克有濟又憂繁費艱於處分得明通一身肩之不覺愉快之甚遂決然爲之卜日取石令饑民赴工而又以厚基密護籌畫經久之計與夫廣長丈尺之數一指授明明通則朝視暮督走月披星不遑少息邑人聞風慕義者輸金爲亭勒石爲碑起工於四月二十六日建橋於七月二十二日時余方膺內召明通長跽而請曰橋工雖未完而工料種種具備不逾月落成矣乞爲之記以告將來余謂明明通釋氏流也釋之見黜於吾儒則以空視世務卽山河天地參贊化育不以爲有也而抱一空苦

之心以爲吾惟不着色相不干煩惱超然於塵寰之表甚至舉家人父子而一概蔑絕之若恐爲其累是則釋之所以爲教世人或有奔逐無休不安義命之念姑借此說以砭剔其業障未爲不可如欲舉天親人類而悉以空之一字括之是亂天下矣吾儒於經權順逆之間主一無適至誠無妄以求不忝於眇然中處之身不過成就一個實耳與釋氏宗旨不啻白黑燕郢之懸殊明明通獨反其教以空門而建爲實功斯橋當八省通衢一日之所濟者不知幾何人由今而積之所濟日多其功實溥視彼一盂一鉢以

爲高布袍蔬食以爲樂而自謂吾能離俗吾能出世者豈不天淵也耶余每思吾儒平日之所講求皆安上阜民之偉畧藉令授之以政徒以虛聲相應而惠未能實被於蒸黔則從事於儒反異流之不若矣是以兢焉惕焉每事欲從實地始焉顧學綫才疎卽有咫尺之恩畱之於人未必若是橋之平正而通達也未必若是橋之堅貞而可久也未必若是橋之普物無心往來各得其所而不自以爲功也余於斯負媿多矣後人慎毋曰邑人以畱恩名橋蓋有感於劉之恩□可也

興安縣志

卷三十一

記

二十四

赭亭山記

明
費元祿

赭亭去橫林五六里雄據中臯與含珠並峙按志載唐有李恂者汗馬功高後封赭亭侯云萬歷己亥仲秋二十三日侍家君鴻臚伯於衡弟治具自橫林買舟而往數里泊叫巖舍舟登輿經村落數十蔬畦草徑稻雲松風古橋流水潏洄自白雲深樹間來望之極爲奇觀矣復數里抵赭亭之阿其道艱阻崖岸險絕山無樹木惟童阜耳升降皆須攀藤挽葛而行數百磴至土地壇人跡罕交赭壁霞舉若紅雲透天少憩石上旁有古碑石碎字紊爲莓苔掩蝕

摩挲細玩猶復可辨有老僧自山巔攜茗至山故產奇茗
今問其樹俱無矣西行數十武至石欄險峭異常臨之目
眩欲進則投足無所窅窾阻峽如在雲中俯視谿谷碌碌
不可丈尺有石欄障之故以石欄名自此援木尋藁歷險
窮崖猿臂相引始造石門門廣僅容二人兩旁突起如雙
樹對峙入門平疇萬頃原隰千畝檉松竹柏蔚然光目四
圍繚以高山崿然如城郭可容數千人紅巾之亂鄉人避
難於此其鴻衣羽裳之士練精餌食之夫亦往往棲托焉
岫嶂高深霞峯隱日下望層山盛若蟻蛭行李所經鮮不

徘徊忘返矣稍進有石磴高數丈下有芭蕉井深萬丈歲
時雩雨取龍於此輒應相傳舊有芭蕉千樹葉蔭數畝今
成赤地矣下石磴數□武芙蓉夾徑秋蘭被崖行人眇有
能至者惟草舍竹籬紆迴幽雅居然有物外逸致自竹籬
稍進爲大士殿堂時淪物謝凋毀殆盡佛像僧寮十無二
三曠增寂寞秋助淒涼惆悵者久之堂前一石泉方數尺
雖甚淺遇嘆不涸樹冪若室時有小鳥翠色投水銜鰕魚
出堂上四山拱揖虧蔽如障地甚平敞不復似石門之盪
胸駭目也循堂後北出煙莽坵墟中復得一井渟泓莫測

罇僅容瓢繪地藏王於上鎮之水尤寒沁而甘云飲之要
愈目疾日過午循故道而返下至石門頽陽返照依依石
壁間爲誦杜公石門斜日到林邱之句下山登輿回首山
頂流連惜步憾不移家就之至橫林街暮鼓動矣大抵此
山騰雲冠峯高霞翼嶺而員峭孤峙罩絡羣山之表可以
上延霄漢下絕囂浮遊者常若目不周翫情不給賞是以
林徒棲寄雲客宅心每至晴初霜旦山寒澗肅常有哀猿
嘯號屢引淒其信人間之福庭逃世之絕境也余嘗憶登
武彝天遊峯彷彿似之獨怪其童而無木太史公記祖龍
興安縣志

南浮洞庭望君山風起不得度怒伐其樹赭其山豈赭亭
之名始於是耶又非余所敢知也

赭亭清隱記

李奎

弋陽之東四十里有山曰赭亭者其狀如亭臺高峙廣可
百畝崇可千尋其四面崖石皆赤爛若鋪錦因名焉其巔
水之溢於池井者四時不涸建以道庵惟一徑可通登者
必緣崖絡石側身而上羣山之在遠近者又皆奇怪詭異
如拱如揖不可殫述邑人楊君潤老之居在其下焉修篁
喬木交蔭簷端碧澗清池環匝前後一塵不到俗客罕過

起居偃仰惟意是適然不知白日之易暮世紛俗務之我牽因以赭亭清隱自號陳君庸敬請文爲記余惟隱以清名志潔也苟隱而不清徒潔其名耳而實德病焉君子不取也必心與蹟俱清而無內外之間情與境俱適而無彼此之殊然後實稱其名爲世之所崇重潤老世居邑之白石以儒業相承後徙赭亭能以清白自守由是存於心淵然澄澈不爲利欲之所昏見於行皎然明瑩不爲邪僻之所惑靜與山侔操之有常動與水契撓之不濁自壯至老無一事或苟行藏出處一皆聽命於天是蓋得乎遠祖伯興安縣志

卷三十一

記

二十七

起清白之遺訓及聞古人伯夷之高風而興起者矣會見赭亭之山若增而高清隱之名永世有耀可嘉也於是乎書

遊天台山記

明 郎文煥

山以天台名者按地輿志吾越赤霞有焉道書云金庭洞天劉阮採藥處也上應台星高萬餘丈臨絕澗攀蘿梯巖始登有瓊樓玉闕碧林醴泉瑶草神奇莫可名狀余雖未歷其地詢諸往來殆與志合每神馳思溢以不能親見爲悵萬歷戊申來令興安邑之東北外三里有山亦名天台

余憮然曰天台知余倦遊乃縮地而就余耶以遊岑餘興鼓不可遏稍過橫峯山踰峯嶺齒錯磴緣鳥道直出木杪輿人喘而噓數息數奮余不忍進已勞人謝輿命筇捫葫蘆之石竭蹶峯半有石坦容數椽經堂佛龕障以石欄憑虛岬峙儼然杜少陵危崖置屋牢之句上數武峭石礪砢足搖搖者移刻左睇棋石柯蹟既邈右盼鴛峯翬舉欲飛遠眺鶴石赭亭龜峯諸巘直几案間物耳時萬木黃落纖雲洗谷振衣長嘯凭欄微吟僧茗以進滌漱渥啜嗒然靜坐而思睡矣曲肱掩睫晤兩白哲椎髮趺足荷以藥劔就

余曰公遊暢乎我更等公公意何若指蓮花一朵坐我中央噓氣成雲縹緲而上已在瓊樓玉闕碧林醴泉間也焜耀迸闐葳蕤芬馥徘徊維觀應接繽紛俯瞰諸山培塿其下余思穆王八駿太白天姥知不過此矣鷄唱午覺我夢遊笑顧蓮花化石在側夫導引我者豈劉阮也耶赤霞之槩恍惚在目疇昔之想今其頓忘是形用者形容於所逢神用者神通於所未逢極神之用乾坤爲小曲遡政刑德禮之參差皇帝王霸之代遞以此思治覺此是而彼非焉斯遊也豈曰採巖壑之勝撫木石之奇覽煙雲之態已哉

仙巖山記

明 林 俊

靈山爲信州巨鎮昂伏三十里而至重山疊山謝先生書院在焉又五里而至白石勉齋高弟子劉先生楚書院在焉又四里爲巖山今叅知鄭君立之別墅又在焉立之居上饒葛源奇峰環合巖山隔一水而近繡壁雕崖出風埃以臨木杪陟其巔平巘天作四山如聚米中有洞其下有泉泉甘而冽凡山一草木一石一雲鳥皆異居人習而常之間知之亦無有得者矣立之獨立屋以當其勝齋心繕性玩化而探眞由翠四筵市囂俱寂安樂之窩神留焉舞

興安縣志

卷三十一

文

二十九

雩之風響答焉領無言之妙以獨得造化屈伸之機榮悴開落流行而坎止時任之亦時忘之巖山自放也寄所重爾矣夫山神未神未可知其鍾與否未可臆測也循山而諭前是何疊也何白石也若使冷雲不青四野俱白燕谷之黍弗芽而半由之萌蘖日禿以盡亦何有是山哉巖山亭然物表清灑脫塵殆與象山爭高文山爭烈決不使芳杜無顏蘿月慚口而爲猿鳥之所嘲笑未不必始之亦必欲終之矧有浩然者君知之山知之見素子亦與知之著是記焉

荷峯書院記

明 李 奎

荷峯距弋陽東北不一舍形勢巍峩綿亘數十里考其地脉來自靈山穹巒疊嶂交接互拱高出雲表實爲一鄉之望也峯之南是爲瑄山大族張氏之居在焉張之彥曰深字士淵抱德隱居不求聞達構居數楹於所居之旁窻戶靜深竹木交翠集里族子弟秀而文者日講誦其間多所造就有曰繼麟趾者皆以明經補邑庠弟子員遠邇慕而宗之咸曰荷峯先生云大司馬孫公爲書荷峯書舍以扁其楣請文爲記予謂書舍之建蓋所以講學而明道也道

興安縣志

卷三十一

文

三十

也者出於天具於人存於心則爲仁義禮智之性著於行則爲三綱五常之倫見之於經傳則爲易詩書禮樂春秋論孟庸學之文大而彌綸天地小而該□萬事萬物其體至微其用至廣人之爲人以其有是□也苟欲明其道舍學其奚以哉士淵講學授徒建以書舍其教人也先之以小學收其放心養其德性以立大學之基本習之旣成然後教之以大學察其義理明以修己治人之方以收小學之成功殆有得乎古人善教之法信於道無不明又豈世俗碌碌輩好爲人師者同日語哉况先翁大參夙以雅才

□□敷歷中外爲時名宦今士淵繼武而起旣優於學善吟咏復精楷書汪文學行誼爲士者之矜式凡爲郡邑有所纂修必資委焉雖守令皆折節禮重之詎非得於家教而養之有素然哉昔余爲御史時嘗偕太僕丞蒲田李公以明經交薦力辭不就其志不安於小成可知也他日訓迪有成真才輩出迭起爲國家之用措諸事功烜赫□□是則非特增重書舍其於荷峯瑄山詎不大有耀哉是□記

國朝

興安縣志

卷三十一

記

三十一

重修文廟記

□□載

學校之設徧海內所以尊師重道興行育才也天地之生材不擇地聖賢之立教不擇人詎以地方褊小而不思鼓舞作興以仰企同文之盛哉興邑創自明季嘉靖辛酉東分上饒西割弋陽撮合成縣而庠序興焉前此肇造規模必有可觀嗣後時修時廢至今百五十年而興安有學之名鮮學之實矣余自壬午承乏於茲目擊宮墻鞠爲茂草□□然有鼎新之志奈士瘠民貧躊躇有待恭逢郡憲朱□□名家文章宗匠甫下車首捐修郡學並飭屬邑□

司其事余奉命躍然喜以爲學校之興在此時矣而猶慮易於創始難於垂成也乃天下事患其不爲無患其不成大厦非弱木可支棟梁之材不須遠購若預留於山谷間者卽物各有主而語及學宮靡不欣然樂助其爲縉紳衿士乃分之宜若氓之豈蚩或輸涓滴或效奔走何慕義之多也余也黽勉從事恐貽築室道旁之誚凡有不足悉屬捐俸拮据三年而向之朽者新廢者舉雖曰人事而實聖人默相之靈以遙觀厥成也自今以後春秋祭祀諸生以時習禮其中余稍暇亦得與邑之冠者童子講學明倫較

文課藝不爲無助記云學然後知不足教然後知困教之不先有司之過也學之不勤士風之靡也吾願以孝弟爲根本以聖賢爲期向以立心行己爲切要以讀書會文爲實功毋驚外忘內毋舍己徇人毋貪近小而忽遠大置身流俗之中而不與庸庸爲伍將有應運而起與前賢相輝映者而猶以蕞爾微區笑人文之寥落也必不然矣余之鼓舞作興用是大暢厥志也夫學宮之建始於乙酉成於□亥自大殿兩廡以及櫺星戟門皆次第鼎新至於啟聖□□□春三月所續造也董其事者儒學教諭伍于立

縣丞韓潢訓導歐陽應恒典史王秀敏紳衿鄭人瑞王駿
翁文料毛瑄陳世珍李天璋楊國偉鄭紹義等而督工三
年始終不懈如文學王鑲吏員陳天祿義士張風儀練起
鳳陳其昌王恂者勤勞爲尤著興庠新造煥然改觀所感
者明倫堂尊經閣齋舍圍墻等項尙多缺畧後之君子潤
色恢宏以補余之不逮能毋厚望哉是爲記

重修明倫堂記

陳世增

教化莫先於學校而學校首重乎人倫郡縣明倫堂與學
宮並建蓋本先王至德要道以治之意而建極端表使之

興安縣志

卷三十一

記

三十三

從容陶冶以自得其敦本反始之故而無或敗棄其天彝
制甚鉅也興雖蕞爾偏隅大道之行知不擇地倫明民親
崇起教化又烏可以已哉當明季分割上弋而爲興安其
建縣立學明倫之堂固自宏整鉅麗諸生以時習禮其中
迨兵火之餘亂離煨燼曾歲月之幾何而荆棘邱墟不可
復識矣余奉 簡命來守信州時汪君文麟令興安籌
建明倫堂未幾調繁上饒遂不果後一年張令文驄勵意
修舉申報請事而余於乾隆壬戌以公事來興詢所謂明
倫堂者則見規模粗就而事缺其半亂礫豐草四顧迷離

余因嘆曰靡不有初鮮克有終固如是已乎而其士民且謂是費之維艱工之不繼也未數月新吳羅子秉鐸來茲進謁之始卽條陳興學數事而因惓惓於斯堂之未成余因勗之曰事固在有志者之自爲安定湖州考亭鹿洞彼固猶人師也羅子唯唯而退乃更經營籌畫庀材鳩工以竣乃事又於其室之後暨東西左右築屋數椽義取樸完不事雕飾然後繞以周垣加以丹雘靡不犁然燦然而堂遂告厥成功先是斯堂之建在大成殿之西角登斯堂者由殿側門入以堂之門外地固縣民徐某園也墺墺逼處

悵望橫塞有末如之何者羅子乃獨善爲勸勉使之慕義樂施而斯堂之面向遂得高曠洞達歌砥矢焉噫嘻斯堂之成於斯邑者難而斯堂之係乎興邑者大也蓋其地瘠人窘計茲之役費不甚繁乃始事者卽有力竭中衰之患而羅子以初仕甫來卽能籌畫其宜張皇補苴使士有堂官有舍師徒講貫有地鄉老飲酒有所庶幾風俗淳厚而興賢育才之盛胥於斯堂乎具焉予固不沒始事之善而尤有重於繼事者之艱難求濟以觀厥成爲無負我國家建學明倫之意也是烏可以無記羅子克嶷字岐元奉新

人丁巳明通進士任興安教諭董事者明經鄭國佐文學王波胡邦榮而勸事則爲文學童可大也例得并書

撤修文廟記

周興洛

興安縣學宮自康熙四十四年張侯景載大加修葺後歷百有餘年棟桷剝朽墻垣傾圯不蔽風雨余每值朔望展拜顧而憮然甚非我國家崇儒重道俎豆至聖先師之盛意也因將聚邑中士大夫暨耆老而謀改建之適闔邑紳士亦以改建呈請者余曰是固守土者之責也亦守土者之所樂爲也乃集邑中人士商籌經費余捐廉先爲之倡而閭閻士民亦相從踴躍捐輸於是擇日鳩工庀材是板是築畚鍤雲集創始於嘉慶十二年歷四載而工成則見夫昔之不蔽風雨今則棟宇深崇矣昔之湫隘卑陋今則規模宏遠矣昌明博大之象觀者肅然此豈徒表一邑之形勢也哉亦以徵他日之人文蔚起也因爲記

撤修文廟記

王賡言

學校王政之本也萬世之治統在帝王萬世之道統在師儒道與治合而學尊焉上丁俎豆肸鬯感格是必門觀嚴宮廬宏敞有博大昌明之觀而後可以應鴻熙景鑠之

運我 朝以文治治天下 五聖重光萬年有道凡屬
守土宜莫不宣揚 休明以扶翼聖教爲首務己巳秋賡
言拜守信江之 命抵任以來修廢舉墜矢志振興併
檄示七屬勤求作養之法攷郡學自乾隆三十八年修葺
後洎今禮殿禮門漸就領圯予急思解橐行飭鳩工而晝
院頽廢已久先爲釀金增修廓其規而崇大之掃其迹而
更張之一時七邑聞風擔簦來學絃誦之聲洋洋盈耳竊
甚喜焉辛未七月予由省垣回信道出興安邑令徐君駟
及教官鄒夢蓮邵南均率諸生等延余閱新修學宮見其

興安縣志

卷三十一

記

三十六

牆宇之閎峻宗廟之美富不覺暢然而志滿也曰此吾心
目中所謂昌明博大者也學基後依山麓前滙溪流巖塔
高臨石堤環護總計墻以內南北長三十六丈東西廣八
丈木石一新規畫如制堂哉皇哉此豈徒表下邑之形勝
實以昭 盛世之文明也夫教化所以美風俗學問所以
變氣質興爲太末之奧區踞信江之上游挹橫峯勝槩其
間必有鍾靈毓秀以應岑陽清淑之氣者茲復興學重教
如此吾兄鐘鼓式靈人文蔚起異日由泮宮登秘閣名載
□冊光耀珂里安知不有陳文正謝文節其人者乎抑又

聞之 本朝戴相國文端公之始生也適其尊甫篋圃先生秉鐸興邑生公於官舍因小字興安厥後大魁多士以經濟顯名當時非所稱地靈人傑者與余生近聖人之居間嘗登夫子廟堂觀其車服禮器低徊流連而不能去今得於蕞爾小邑遇之可不爲幸與是舉也創始於嘉慶十二年工歷五載銀費二萬有奇神位闕清祭器備具圖史之藏几席之設舉凡所以棲宿炊爨拚除之須無一不備不可爲難乎斯真可大而可久矣明經洪之霖瞿道明國學張若洪李騰蛟諸生胡思謙姜拜颺等俱敏事慕義克

興安縣志

卷三十一

記

三十七

襄盛舉求以文記余深喜有志興學而樂觀其成也於是乎書

撤修文廟記

潘世恩

興安爲前明嘉靖中分縣地界上饒弋陽之間居人多業陶言事者因其民厖土衍遂添設城邑近二百年於茲泮壁初建僅沿社學體制不無狹隘逋更逋拓迨我 朝順治康熙以還守土者繼長增高經營周密規模益以大備然歲久朽蠹非度功賦役不足以新俎豆而肅觀瞻蓋有其始者之不可以無所繼也壬申夏四月余以歲試按郡

至廣信紳士方之海周銑等相率以斯學之成請爲文誌其歲月余旣嘉諸紳士之篤志絃誦力能興廢舉墜而其事之曲折未盡明悉爰檄司鐸者具其終始之由旣而興之校官以太守諸城王君賡言所作新記來且復述諸紳士所以願爲碑記之誠王君余同年取經術飾吏治方以振興學校爲己任余讀而喜之遂言曰夫先王創設辟雍非徒取其決科發策能自興於利祿之途已也蓋六德之所以成六行之所以修六藝之所以習守其教則不惑安其土則不遷猶農之有畎畝商之有市井也故曰百工居

肆以成基事君子學以致其道則學校之立誠不可以苟且矣昔羅鄂州爲南宋循吏所在多惠政其作學校碑誌原本經訓文意簡質昔朱子嘗歎以爲不可及今信州爲文公往來回翔之地其作上饒鉛山兩學記具在其所以誘導後學入德之門者明白切直如此苟因是而沿之於不止雖欲其道德之不興義行之不植不可得也至於諸紳士任事赴功其正殿之崇隆牆垣之鞏固樂器之修舉以及櫺星有門庖湑有室經始於嘉慶之十有二年越四載乃成王君記之詳矣且所費至二萬有奇而無一事取

給於官辦必有足以觀者興安去府治且八十里余校士卒事有程無緣親至其地周視宮宇得見所謂巉巖起伏外狹中廣如橫峯靈山之秀峙而諸生以時藏修游息於其中者將必有瑰奇絕特之才由鄉三物以實興以應盛朝楨榦之選余方將卽其人以想其地跂足以竢之矣

東齋記

胡學淵

興學舊無官署司諭者以明倫堂旁兩翼及堂後數椽爲置榻所歲乙巳余至家人十數革苦不能容因自出貲於堂前東西偏葺舊增新作小屋五間附右創廚房一數年

興安縣志

卷三十一

記

三十九

來多方拮据始獲庇而安焉惟是正門尤觀瞻所係舊制卑隘距堂又甚逼見者蹙然愛興同學諸君子謀量爲勸捐錢以箇計得八十千有奇用不敷余仍出俸薪佐之其爲屋凡三重出舊址二丈許前爲門旁列兩耳房中作廳事爲講堂後敞爲亭顏曰萃英始事於庚戌初冬明年春落成改舊觀而洞開重門堂亦頗覺閑深矣閱今忽復二年餘偶念斯舉雖小余幾費經營又賴諸君子及闔邑好義樂輸之士衆力贊成均有不可沒者遂綴數言記之

西齋記

張明三

興安縣學副署南昌孝廉蔡公所倡建也公以乾隆庚戌由湖南臨湘令改授興安司訓既之官按視齋舍皆無有仍假館於東廡旁之忠義祠祠甚卑隘環堵之外麥土數區而已公察之知爲張氏民業前後出私金五十購得之時有以浮議撼公者公笑曰吾爲他日建署地耳烏有捐己所有而反刑人之有者乎由是議者頓息此辛亥四月事也閱明年壬子公乃進紳士而告曰興安分縣以來員各有署獨副講未備余將與君等完此二百餘年缺典僉曰此盛舉也願師力主之毋以浮議中格生等遍告邑人

以贊其成當是時毛生鳴岡張生若蓮姜生兆麒義士舒啟倫共勸厥事公廉知其賢褒然捐薪俸百五十金昇之筦鑰出入一無所問卒之坐局督工矚然不滓經始於壬子落成於癸丑費白金八百有奇其爲制高二丈廣倍之長又倍之後爲內宅大小五楹庖湑都具中爲堂上安綽楔顏曰安敦左右爲兩房稍前爲堦堦前爲甬道爲參堂又前爲頭門堂之左側爲客館又左爲大園重新忠義祠於其中翼以夾室周以繚垣前後隙地治爲圃雜植疏菓花木之屬其未盡治者更築長圍三十五丈限之而規模

於是大備公故精心計兼熟青烏家言始事之初匠氏請
正方位程式言者皆不稱公旨因手畫署制圖示之一勞
永逸之謀較諸前此司訓或賃住民房或僑居義學或下
榻東廡漠然無捐建之志者相去百倍公名耀字桂庭號
崑岡爲人剛直意所欲爲雖賁育不能奪曩者之役墊白
金二百有奇人皆知之而公卒不言有難公者曰宮舍猶
傳舍耳公奈何自累若是公曰吾不忍宮斯土者之皇皇
靡有定居也補前人之缺利後賢之成得失□比一舉手
雖自累何悔焉嗟乎公之勞在一日公之功不□百世乎

興安縣志

卷三十一 記

四十一

予與公官同城而到官稍後不及助公於始猶幸得觀成
於終書之以誌公之德亦以誌予之遭也是爲記

岑陽書院記

曹學雋

竊聞禮樂詩書昭垂今古薰陶涵育端藉師儒苟絃誦之
無其地而訓迪之乏其人非惟賦性昏庸者不能窮經博
史卽天資穎異者亦難闡典揚墳則講習詩書之工鼓舞
作興之事蓋可忽乎哉且今者 天子唐虞庶僚岳牧
正在崇儒重道之會豈可二酉就荒三餘頓廢致令國家
楨幹之材委棄草莽圭璋之品埋沒塵埃不幾有負君相

求賢若渴之意乎况西江爲人文之藪理學詞壇名公巨
卿所在都有興雖巖邑而賢士大夫代不乏人若鄭文臺
陳康伯劉張諸君子非表表最著乎余自柔兆攝提格之
夏來蒞茲土越今四更其歲與兆民相接甚久而林林總
總中未嘗乏彬彬之士若使通經學古應運而出黼黻昇
平贊囊大業不難矣慨自甲寅慘變之後復遭水旱頻仍
野無青草室如懸磬救死不贍奚暇治禮義哉卽有一二
有志之士多屬孤寒莫振旣不克負笈相從訪名師於千
里復不能執經而問聚賢友於一堂余謬膺是邦不忍聽

興安縣志

卷三十一 記

四十二

其暴棄勉割俸錢數百金購基建閣於邑城之東隅設立
義學於其中歲延文行兼優者奉以爲師聽邑中貧家子
弟無力從師者咸聚而肄業焉上供 文昌帝像延僧供
奉香火祈冥冥之啟佑以口助其學業之底於成也惟恐
經久不繼館穀無資青精莫辦未免有始鮮終復置田百
畝所入租花克師僧每歲之需更慮土田磽瘠租花無幾
再納糧差恐有不足之虞將賦徭出之邑令或可少爲裕
後之計余自揣德薄言輕不能取重將來遂以其事聞之
郡憲馮公仰請批示已蒙諄諄勸勉輝煌案牘可考而知

也倘繼起之作令者推郡憲公玉成之雅意共勸厥事垂久弗替非郡憲與後來官斯土者之力歟余又安敢以爲功是爲記

白石書院記

秦錫琿

佛氏徒以有餘而致爭儒家子因不足而廢學非均也司牧者聽其有餘不足而憚於爲之挹注非治也佛法諄諄以佈施責諸人而曾未聞以佈施責諸己非恕也不佞洎任興安甫下車卽有葛仙宮僧徒互爭一案嗚呼此非僧徒之故葛仙宮田租過餘之故也使葛仙宮屋不蔽風雨

興安縣志

卷三十一

記

四十三

田不給饘粥一鉢一衲苦空難熬彼僧徒者招將不來畱且不住今乃不稼不穡坐享三百之入以驕以淫何求不獲固宜其爭奪未有已也三代盛時四民者各安其業而佛氏無聞焉爲士者家有塾黨有庠術有序國有學請業於斯請益於斯朋友講習於斯藏焉修焉息焉游焉不見異物而遷焉故其所成率多遠大之材而足資國家之用後世博士倚席不講學宮鞠爲茂草教育道廢而虛無是尙崇佛則飾以金碧施僧則不吝膏腴僧日以富士日以貧梵唄之聲盈耳而春誦夏絃寂寂無聞幾何不胥士而

爲僧也不佞痛之用請府憲劉公撥桑門之有餘克儒家之不足而公深有契於厥心焉卽命建置書院一所教育士子畱僧原田三十四畝外餘皆歸大書院爲膏火之資噫劉公之所見遠矣夫士爲民倡士不向學禮義廉耻之不明將靡所不爲愚民羣起而效之此世道風俗之憂也僧以驕以淫陷於法網然後從而刑之亦非所以曲全之術也故一設書院而士習可端僧徒可保此治之善者也佛斷斯獄應亦如是何也人施施人恕也以羨補不足均也佛法所謂平等者卽此義也不佞恪奉公命亟召里中

興安縣志

卷三十一

記

四十四

紳士劉起鳳等謀之僉稱故有白石遺址厥基斯在願相與肯堂肯構以繼先志於是經始於七月初五日落成於閏七月二十八日爲正室七楹川堂五楹門屋三楹左右廊具木石之費若干甃瓦之費若干工匠之費若干不佞嘉其樂於造士而善施所有也爰爲之記

白石書院記

張嘉慶

從來事得其宜則爲義失其宜則滋弊故君子之於天下無適無莫義之與比奚以紛紛改革爲哉興邑葛源之白石書院乃宋理學劉養浩先生講學之地嗣孫自謙登南

宮捐田千餘畝以克膏火聘吳草廬先生講習以教宗里子弟又奉祀朱文公黃文肅公而以白石公配享崇教所自不忘其本朝廷嘉其行誼立義門以旌之以其事之得宜也後遭兵燹遺澤幾湮迄 國朝乾隆十三年裔孫起鳳等倡族興復前縣秦通詳立案亦嘉其事之得宜也而劉氏董事恪守前規延師課讀無論城鄉遠近悉聽肄業私者公之異者同之亦安往而不宜哉顧一鄉之中臧否攸殊明昧參半本年正月有稟請另延掌教者當經批示仍着劉姓董事延師開館復杏前卷及各碑摹誌載俱係

劉族捐資建造並無他族姓名則書院爲劉姓之所留遺亦旣彰明較著矣况前奉憲批白石書院田租縣令丞典有地方之責難以干預若委學官則書門滋弊久沮侵爲學田亦非長策仰卽於白石後裔內選端慤紳士自爲經理等語又查該董事歷年收粗輸糧延師辦祭修理書院各用費均於歲底經縣核結支銷並無侵蝕精事是予之仍歸劉姓經理又其宜也第考書院源流屢經詳記而於善後事宜尙缺碑載恐於事理之宜尙有未盡者予忝長茲邑每以振興文教爲念爰酌定規條勒石垂久俾劉氏

子孫將書院一切事宜盡心經理以爲興士之倡而局外人亦可交相勸勉同遵前規共垂不朽云爾是爲記

重建橫坑橋記

國朝 鄭大雅

去南關外里許有橫坑橋當省郡之衝孔道也歲壬子四月暴雨洪水發而橋圯往來者病涉甚邑侯劉公慨然念曰輿梁徒杠之不修司土者之責也然時絀舉贏慮呼不應乃進父老謀之父老踧而請曰侯蒞興未一載凡數十年秕政革除殆盡非侯來吾儕罷奔命無噍類矣侯實生我生我者父母豈有父母呼而子弗應者乎且橋當路之

興安縣志

卷三十一 記

四十六

要舉之宜急侯乃蠲吉鳩工出已俸命僧速亮領其事公餘日巡視焉不匝月而橋成於是皇華者樵者牧者商賈者皆撫掌稱快頌侯功不置其父老欲壽之石以垂久也徵予言爲記予謂輿梁徒杠不治信良有司之責顧時絀舉贏而爲之甚勇成之甚易而橋且堅以樸也誠足以記矣侯諱儀寵號百一拔貢北直昌平人

新溪壩記

葉向榮

嘉慶戊辰冬十二月岑港新溪石橋成邑紳士毛

鳴岡張

若蓮以書來招予予以月之九日至其地循堤南行相視

所謂新溪者上下縱橫沙石瀾漫求民田一角不可得蓋橫流之爲禍烈矣初乾隆元年丙辰若蓮之祖張選等以岑港地踞南北要津往來絡繹非得渡莫濟顧渡以木筏不利春夏渡以舟楫不利秋冬爰謀建石橋爲一勞永逸之計當是時溪水盡歸中流溪之南爲大洲洲有堤堤之外民田數十頃滋灌溉焉故雖間遇旱澇歲不爲災癸丑七月山水暴發橫流洶洶溪不能容遂決堤直破洲心南下北岸居民皆以爲幸鳴岡獨知其後之必大壞也命其子克舉作堤說一篇而以修築之事屬之若蓮久之人無

應者議成而不果行世人眈目前而忘遠慮往往如此自是而還春漲秋汛歲發無時堤之削者幾盡民田遂大壞於是更名其地曰新溪仍於溪口置橋以便行人而歲修歲圯勢益不支丁卯二月謀申前議完此二十年來缺典不數日集議者凡若干人分頭勸諭合之得三千金遂擇期舉事閱四月而功成嘻何其速也予始聞諸君議心甚壯之旣而訪諸人言皆有難色謂舉大役也凡舉大事興大役非得大志願大氣力人出而任之雖謀焉恐不濟故志小而謀強其僨事也與廢事等人言如是予聞之頗心

動久之聞其事之已就緒竊私喜而於其功之成也乃大慰焉堤高一丈廣六丈自下而上殺六之一長六十餘丈有奇以山石襍沙土和築之堅厚如式堤之左右溪欄倉二堵水柴壩一皆添築於堤成後者而於舊溪石橋破水尖一一補砌以免衝齧於新溪橋口添砌石路二十餘丈以便往來無謀不集無慮不周董其事者鳴岡若蓮之力爲最而若蓮更獨捐三百餘金至徧募以贊其成則克舉暨^{某某}諸君之功亦未可沒也臚紀其名於石

文廟善後田記

余成彪

興安縣志

卷三十一

記

四十八

夫事有廢必有興興不爲之計長久則仍□矧 國家崇祀 先聖創立學宮可不首慎歟余於嘉慶十六年甫下車邑中紳士以 文廟新成請余行釋奠禮欣爲諏吉屆期偕邑士紳由門歷階升堂見廟貌之巍煥肅然起敬經之營之皇乎備矣余謹按興邑舊志立縣之始學宮爲社學地明季邑侯陳慶雲所草創也萬歷四年孫侯楠乃購民地而拓新之後三十年邑侯郎文煥復遷學西曠地 國初宋侯元衡王侯舟瑤相繼創造殿基又稍徙焉至康熙四十四年張侯景載大加修葺宏敞壯麗又極一時之

盛矣而卒頽且朽者其故何哉天下事歷久不壞之道蓋其難也日者明經洪君之霖當鼎新之始預籌善後之方偕廣文方公之海周公銑明經周君鋒凡三十六人慨然倡義捐田以備歲修夫役洒掃工食及經管人火燭之需善哉斯舉矣乃善舉甫定次年春雨連縣殿角忽崩宮墻就圯倉皇之際能任其勞者惟張金銓張躍鯤程上榜丁應瓏首先捐修數月仍復一新所謂已然者可恃耶其不可恃耶此善後田之義舉不可不詳爲酌定章程以垂諸久遠也其所捐田人名畝數契據推收過割收租納糧公

興安縣志

卷三十一

記

四十九

舉經管一切事宜記後難以詳載附修學宮捐貲名姓後共刊一冊存縣存學以憑查核

厚志文過繁
衍今從刪

節孝祠記

余成彪

興邑節孝祠舊在東關 文昌宮側傾圮已久基址僅存記序蔑如殊難考其所自歲辛未余奉 簡命蒞興適值 文廟告成卓哉煌煌燦然備矣惟節孝祠因循有待予向紳士頻催而皆莫之對抑何畏葸若斯與己卯上丁洪君之霖因公來謁細問其故霖曰興固貧瘠 文廟重修費屈兩萬負債五百餘金現捐田畝除撥穀償息外應

用未敷蓋所謂強弩之末不能穿魯縞者無已則有一焉
祠爲節孝而設所以勵閭閻也旌表之家早闡潛德詩禮
之族多具幽貞賢子孫志切顯揚後先繼起倘錫片言以
俯諭庶其樂從乎予稱善給引囑移舊址附近 文廟左
右尤合會典閱數日洪君邀集同人分鄉徧募就北關購
民地一片諏期興工明年畢事共用洋錢五百貳拾餘員
實收捐貲四百五拾餘員既竣予徃周視門以外氣象恢
宏門以內規模整肅不特位置獲宜而節孝亦妥享祀矣
洪君請予記書以復之

興安縣志

卷三十一

記

五十

序

陳文正公先生文集序

宋朱子

先生中興之首勲也先生之相業行實繫籍聖賢其後必
傳諸史冊泐諸金石昭然可紀故凡性情道德學問文章
發之於紀綱政事顯之於號令聲名顯叩聞望金錫圭璧
無在不見爲可法而可傳者也况其有關於廟謨有裨於
生民有傳於後世此天地之正氣川嶽之鍾靈蓋不世出
之英傑誠哉一代之偉人也故先生之在朝歷事二帝前
後廿餘載功業詞章巍然煥然設使天假以年則宋室之

士宇可全復而不徒江南之半壁矣從事二紀獲庇同朝
先生之相業行實皆熹之習見習聞親炙而佩服之者也
惜泰山既頽梁木既壞遺言碩畫幸賴有賢嗣偉節伯仲
諸人克繼先業顯名於朝又熹之金蘭筆硯同事者一日
以先生之文集丐余爲序熹雖不敏亦不敢辭於是澣手
焚香端坐肅觀越月餘而始畢亦不敢贊一詞但因所請
以次第其篇凡三十卷而弁諸首云皆乾道七年新安門
人朱熹頓首拜書於碧落洞天書院

陳氏族譜序

宋張浚

興安縣志

卷三十一

序

五十

左司丞相福國公陳公以其所修陳氏家譜示予且屬爲
之序浚肅觀畢卷而嘆曰盛哉斯譜仁義藹然矣按江南
之有陳氏自大監太公逵始其後析居分爲二十一支再
分爲五十四小支康伯公則自仁瑞公支由潁川避難而
睦而懷玉而莆而泉而譙五徙而來者也由大監歷千餘
年其間以文章道德勲名功業自見於世者不可覩縷於
戲盛矣哉公承父兄之命請於朝而修譜今始克因厥遺
緒詮次成編然必先之以舊譜序文者明作譜之權輿也
次之以史傳記載者姓氏之源流也又次之以郡縣及世

表者見門第素望有在也於是爲圖以詳世系焉其爲圖也準歐陽氏五宗九世之法推而上之則見其本之所自出遜而下之則見其支之所由分愈推則愈高而尊尊之義昭愈遜則愈卑而親親之仁溥譜法莫備於茲矣復以行實見於翰墨間者係之則又推譜之餘意也嗟乎譜豈易言哉自大宗小宗之法廢而尊尊親親之道所賴以不墜者惟譜牒存焉爾至歐陽氏推本年表著爲圖譜而後譜法有定論蓋得大宗小宗之遺意也近世公卿大夫士家鮮知講及於此間或牽聯附合如剪桃接柳氣味不相

入也或填隙補空如斷港絕潢脉絡不相貫也渾淪者若病繁蕪簡畧者若病枯索大率無徵無法譜云乎哉夫圖永傳者貴乎有法冀後信者貴乎有徵無法不足傳無徵不足信公之是編世系雖遠斷自仁瑞公始遷弋爲適則有徵矣譜牒雖夥本於歐陽氏之格律爲正則有法矣是誠足以傳永信後視彼穿鑿謬戾之習豈不徑庭也哉公勲名德業前輝後裕軒輊穹壤燠灼古今獨步當世宜其所成之不苟也如此是編成不特陳氏子孫始有以興起其尊尊親親之意引而不替而四方賢士大夫苟有敦仁

義重本始者且將於此取法焉庸叙以歸之

雙節詩序

明 費 宏

信之境山奇而峻水清而駛而人之生其間也亦或肖之顧不能摧戢蘊藉以就夫渾厚和平之氣耳亦宜有以使之也然其矜嚴克勵以志節相高鄉有其俗而人安其習則又有足多者矣葛源在郡治西北數十里其山水清奇尤爲予所賞愛予雖未卽其地跂而望之意必有高潔不凡之士鍾其靈秀而出於其間以顯名於當世旣而得今夏官主事鄭君毅見其篤志好修卓卓朋儕中固已心焉

興安縣志

卷三十一 序

五十二

異之然憂患相仍不見君者久矣頃之南都君持其所集雙節詩見示予讀之知君之賢蓋有所本而葛源之靈秀不獨士君子鍾之雖婦人女子亦無愧於覽結之名勝也雙節者石塘祝爲姑歸孔貫甫年僅二十有六而嫠孤一曰麒於時纔六歲劉爲婦歸麒年三十有二而嫠孤一曰潤於時纔十歲鄭氏一脈之微至麒與潤岌岌乎殆甚矣賴二母辛勤鞠養幾絕而續潤今且六十以毅封貴而毅乏才猷德器可以遠到無疑二母之有功於鄭氏何其大哉夫抗志抱節在士君子猶以爲難故當流離顛沛之秋

往往喪心失守蒙垢而遺笑況於弄瓦闕觀無境外之志者乃能卓然自立矚然不緇與峻嶺清流爭高鬪潔於覆載之間蓋甚難矣而况姑始之婦終之挺乎貞松勁柏之並聳炯乎堅冰美玉之交輝求之叔季頽靡之餘尤不易得也是不足以見鄉邦習俗之美耶昔游女有難犯之貞共姜守無他之誓皆見於國風蓋人倫之大王化之端有不可泯焉者然則諸公之作萃於茲集固秉彝好德不容己之良心而其有關於世教也大矣况予鄉郡於是可無言乎因書以爲雙節詩後序

興安縣志

卷三十一

序

五十三

鄭季子代古詩序

李振裕

興安鄭秀子與予同舉於鄉握手論交慨然有揚摧千秋之志垂十年凡三上公車不遇余則退而盡棄其平日之所爲而專事於時藝伏首窮思學殖日落秀子乃益發憤讀書肆力於詩歌古文辭而以緒餘工制舉業文日工而學日進其度越流輩直避三舍今哀然且成集矣一日相遇於湖上手一編示余曰代古詩余讀之旁皇避席揖而進曰何寓意深而寄情遠耶夫自周秦兩漢以及唐宋此數千百年中運會之升沉人物之興廢得失其足供人之

歌哭而示之勸懲者何限乃秀子獨取一二孤貞遺烈鬱結未抒之隱而代爲播之歌咏卽事以成章託聲以形事委折紆徐蒼涼冲淡使讀者上下數千百年間夫亦可觸類以論其世矣方之陸平原擬行行重行行江文通之擬李都尉班婕妤蘇子瞻和淵明飲酒諸什何其後先一揆耶嗟乎古人往矣作史者以己意論列其人代往往未能推測其微今秀子悠然以思睪然以望其事則載籍所傳之事其言則古人鬱而未發之言詩亡然後春秋作而詩又烏可終亡也哉吾秀子生當 昭代右文之日抱經濟

興安縣志

卷三十一

序

五十四

有爲之才行將簪筆承明表章大業則擴其尙論之學以進退古人扶植世教爲有用之經術文章事業夫何可量若謂通於今者必有以驗於古也當吾世而有以古人自命者請出以示之必有以知我秀子矣

募築岑港堤路序

國朝

毛克舉

北關外三里許名曰岑港蓋南北往來孔道也港建石橋自橋至橫峯嶺下里許皆洲路說者謂二百年前沙湧成洲水因折而北今之洲路實水之故道相其形迹信然癸丑七月大水上堤崩決直破洲心奔騰而下路幾漂沒無

存行者稱險嗣是每遇漲發半由港注半由洲注且港曲水緩洲直水駛失此不圖勢必港日壅洲日陷水將復折而南矣今夏五月大水爲患益甚而橋且並損於是有謀修橋者則第爲橋計有謀修路者則第爲路計此二說非不善然而橋之所以損者由無堤以截之而水勢橫激路之所以沒者由無堤以堵之而水勢直衝故也倘惟是於橋之缺者補之於路之廢者舉之而絕不更爲堤計無論今日修之明日水旋壞之浸假洲化爲港路不且烏有乎浸假港化爲洲橋不且並廢乎蓋無堤終以無路亦無堤

終以無橋區區苟且之計奚當也顧堤之修殊不易易矣非累之使極高無以降水而防其決非砌之使極固無所禦水而折其衝非葺之使紆且曲無以緩水而殺其氣不獨此也沿港形勢今昔不同昔日之洲上聳而水伏今日之洲下陷而水橫將仍其舊址爲堤則欲其極高也而無從高欲其極固也而無從固欲其極紆且曲也而無從紆且曲是又不可不審形度勢而更思長策也迺與二三同志往復籌畫莫若徑接橋南築堤爲路直至嶺脚約計六十餘丈廣以一丈計高以四尺計三面累石中累土而竭

力改作之則砌路卽所以成堤築堤卽所以爲路且順水之性不直堤而橫堤旣可以降水可以禦水亦可以緩水復從洲之上游倚山砌石廿餘丈使水專由港注不復由洲注用是路坦且堅堤高且固而橋亦藉保無虞一舉而三善備可久之道無踰此也雖然獨木難支衆擎易舉修理之貲是不能無望於諸君子或曰洲故有田若是毋乃爲有田者利乎然使一二人享其利與使千萬人享其利孰寡孰多孰輕孰重必有能辨之者故仁人不以私而廢公不以小而害大

興安縣志

卷三十一

序

五十六

送學博周揀夫先生歸興安序

國朝 吳 照

廣信之屬縣曰興安距縣城六十里有鄉曰葛源葛水出焉滙而爲溪崇岡複嶺環其外其中地勢平行寬廣數十里人煙之稠密較縣殆十倍平疇翠壤交錯如畫生其地者有太古淳樸之風無浮萃凌競之習余嘗慕其景物之勝思與其鄉之善人君子遊而未得乾隆庚子冬余客廣信郡齋識君於客坐中睟乎其容僉曰此興安周揀夫先生藏園太史入室弟子也匆匆別去頗以不得締交爲憾今君爲南安府學教授初相見各不相識偶談及信江□

日遊歷時事相與驚詫曰是二十年前相晤於客坐者耶聚散茫茫欣感交集而余與君俱老而爲博士何意得同仕一方愜吾締交之素也君家世篤學皆以文行重於時君承先訓敦厚退讓務循循於禮法孝友忠信根於性生凡義之所當爲者無弗爲也惠之可以及人者無弗及也自宗族鄉黨以及鄰里之婦人孺子皆目之爲善人君子無異辭蓋君懷抱異材困於鄉舉得而復失者屢矣然猶得出其生平之學擁臯此而訓多士雖其遇之艱而視世之熏心富貴而喪失其固有者其爲人賢不肖何如耶且

興安縣志

卷三十一

序

五十七

也有子才而賢諸孫皆嶄然出頭角後漢仲長統所謂居有良田廣宅背山臨流息四體之役無苦身之勞者君又畢備無假外求是君之福澤較馳逐於榮利之場而轉眼蕭索者又何啻相懸萬萬也今君歸矣河梁握別因舉吾兩人交契之由并君品詣之高學問之醇爲君贈余他日退休尙將訪君於葛溪之上周覽桑麻聯吟於松濤竹籟間芒鞋藜杖吾兩人其庶幾超然俗塵外乎君雖不善飲其爲我酌一大觥也

書

上陳魯公書

宋朱子

伏惟明公以大忠壯節早負天下之望自知政事贊襄密勿尸所念執皆係安危至其甚者輒以身之去就爭之雖未卽從天子之信公也益篤天下之望公也益深懍懍然惟懼其一且必去而不可留也

又書畧

近年以來將相大臣始終全德無可指議如明公者指不可以再屈

興安縣志

卷三十一

書

一

與張靜峯巡撫書

明夏言

向者生員葉馨來見曾有書奉言橫峯立縣事未蒙見答比承節鉞按部敝郡不獲已畧言之至再執事答以第欲增割都圖添撥丁糧務求事體允當甚盛事也不意別後數日愚民無知自生疑懼哄然控訴觸犯嚴威誠可罪也茲葉馨奉執事威令宣云團堡長人等卽日走赴憲臺束身請罪尙乞仁明赦其冥頑少寬刑責示以寬大量行處分馨爲衆出力圖成其志可憫而小人造言搖惑上下是規小利而亂大謀以執事之明何不亮之彼張某賈旤自

斃事在可畧生員何俊亦乞早賜放回以安人心是執事之恩威兼布而地方有賴矣但立縣之舉非惟救橫峯一方生靈將來之患實貽敝郡無窮之安且往年姚源之亂不過數十鋤耨棘矜輩耳談笑而起遂至於不可撲滅卒勞王師百姓受害何可勝言其究亦惟立縣而始定今橫峯之民自宏治以來屢作不靖俱未能繩之以法嘉靖十九年因荒搶穀爲亂稍甚乃始議立縣而民翕然從之此都人心悔旤自爲久長計耳蓋其良善者利於立縣可免將來玉石俱焚之旤貧窮者利於立縣有差役貿易爲資

身之謀而其無良者亦利於立縣可以湔除其積逋之罪而改行從化此三利者乃其民善心之所從生耳執事何可以不俯從乎況此事僕居朝時聞鄉十夫之言以爲必當立縣及還鄉後求其利害之故益見其不可不立縣是以敢爲執事言之僕亦何所私耶伏惟執事慨然垂聽亟爲之圖早行題覆以抒地方目前之憂幸甚幸甚

上霍渭崖爲橫峯請建縣治書

明 丁 洪

洪山林中人口不敢談時事利害有切於家門輒敢以塵清聽所望明公主張以救此一方民耳吾信弋陽地方曰

橫峯其民初自浙之處州流寓於此夫處民本黠獷也而橫峯山水羸惡居之氣習鷙悍又若有以使之然也故其民易以爲亂而難制不三四年必一變先年添設通判一員以制之人見其無虞也曰判也不知適有天幸蓋數年年穀豐登民頗樂業以是無虞也非盡判之能也今年五月大饑斗米千錢頑民遂復乘機作亂毀拆人房搬掠人財穀稍有怨言者則以火以刃勢如烈燄風至膽寒比之往時其爲害尤迅官府莫敢制縮首觀變而已所幸者新穀旋登變者隨定禍慘未極不然莫測其所止也其間良

民遇變之初懼而不敢出聲及其已定自知將來必有大變必絕噍類欲率而去之又不忍頓棄鄉井乃結心誓天告乞添設縣治以保生靈洪亦與焉歷懇撫按當道諸公諸公目擊其變初亦奮然卽欲舉行奈今事息勢冷又若因循有待寢而弗行民頗缺望夫今擅其逸後當其勞無迹可以追咎此官事之可以委也亦任事者之常情也然有心爲蒼生計者必爲之曲突徙薪矣知之寧復忍於愬然耶設通判以制橫峯固一說也有其名無其實也蓋彼無銅章不得理刑名雖駐劄其地遇變掣肘亦木僵之人

耳奚以制之此無益斯民利害也况十羊九牧差遣不常乎設縣不但朝夕鈐制擾而習之頑民不得輕動也其所管轄者錢糧刑名百務係於縣治四境之人往來而交易不息農工商賈各利其利造作役使不時僱役市之傭者亦可度日地狹人多皆無足慮也此實久安之圖他

論

陳康伯論

明
陳元麟

古大臣保泰持危不難不愆非獨其才之優亦識有素定焉蓋天下事往往成於鎮靜而壞於躁擾魏武至淮南吳

興安縣志

卷三十一

論

四

之君臣計且舉國而從之矣孔明公瑾抵掌定計江左遂安范陽兵起元宗倉皇出幸而長安不守皆宋氏之龜鑑也兵無必安亦無必危敗於敵者十之二三敗於我之自亂者十常八九易曰坎不盈祇既平言靜以須之而自定也又曰震驚百里不喪七鬯恃我有不可震者存也淮甸之事微康伯其岌岌乎議者謂其鎮定似謝安度量似楊綰有以也夫

議

魯國陳文正公議

明
李鏡

中奉大夫浙江布政使司左布政使同邑李鏡文明譔李氏子曰陳康伯字長卿號龜嶺信州弋陽人宣和三年登進士第崇文炳若大度豁如睿算神謀雅量高致將志存乎立功而事專乎報主顧當蔡京柄國羣兇煽虐於□□乃值童貫釁邊胡羯交馳於原野遂使神州陸沉已不□行其志宗社板蕩力無以殫其爲己而金酋北驅高皇□渡八陵廢祀切懷利禴之思二帝蒙塵懋建迎鑾之愜□帝始惑於汪黃國威不振復制於秦檜和好竟成舉朝□言獨請選將練兵而以直見忤遽罹泉州之罷舉世避禍

興安縣志

卷三十一

議

五

獨委身殉國而以忠見沮久蒙下位之沉檜方捐館公遂登朝居刑部尙書而冤獄已平善類賴以全活爲叅知政事而宿弊盡革朝廷藉以清明繼紫誥之寵頒逮黃麻之獨拜論政密勿不依阿以取容議事僚屬必商確於理當及金虜敗盟邊報益急乃解衣置酒慰主上之心安至長驅充斥朝野大震乃引燭焚詔致航海之議息決策親征六軍踴躍何異澶淵之役金亮身斃葛姓復蘇實同淝水之勲分布要害增置上流之精兵區處有條安輯畿內之黎庶掃妖氛開關河之塞麗炎精收虞淵之功偉哉□□

之芳名卓乎臯夔之盛績乃以盛滿爲懼退閒爲樂管絃
不廢匹休安石於東山孝友兼全繼美魏公於畫錦及隆
興之際蓮遭虜騎之復至帝心知公有爲起公復相都人
見至咸鼓舞以歡呼醜類聞風率震懾而逃遁正敵國之
禮改臣稱帝減歲幣之費節財紓民蓋自南渡以來輔翊
兩朝功勳軒赫號中興名相爲帝首稱者緣公超世之才
絕倫之智故能以弱爲強化亂爲治社稷旣危而復安民
心旣散而復合較之因時事之艱難窺倖以自利者若霄
壤之懸絕矣噫江左吾克洗腥膻之穢北門寇老自致

興安縣志

卷三十一

議

六

朝廷之尊白日麗天陰翳屏伏紅雲映殿瑞氣薰蒸實爲
保定之徵再闡亨嘉之運玉燭調而泰階平共仰明良有
慶金甌啟而離照溥咸叨康濟多仁蓋自武侯身後國士
無雙誠推文山生前人流第一忠誠貫金石用昭奕葉之
榮節義厲冰霜式著萬年之耿於今爲烈至久彌光猗歟
休哉揄揚莫罄是爲議

跋

興安縣志舊跋

國朝

李仲穎

李子仲穎守漢之明年同學孝廉鄭君大雅不遠數千□

致予書曰邑侯劉君於客冬受命蒞茲土見荒殘狀唏噓太息者久之繼而慨然念曰國家太平三十餘年而此一塊荒殘土尙置荆莽間恐非我 皇上輯寧海宇至意也於□勵精圖治不敢荒寧將疇昔一切秕政革除殆盡每單騎歷郊問民疾苦猶父母視子痛痒饑寒無不周以悉詳且盡者且布衣脫粟以勤儉先圃畦之屬手自樹植不以縣粟勞民民乃幸有寧宇呼號者樂奔命者息散而之四方者歸宛然化國之日稱樂土矣公餘猶日進父老考舊志問縣所由建曰是何闕畧至此乎遂毅然以千秋

興安縣志

卷三十一

跋

七

事自命適奉憲檄修纂乃簡邑之有文譽者日夕商訂務傳可信編輯成菁視舊稍加詳焉予小子自慚謏陋獲與同事茲幸告成將付梓願得一言爲重予載拜稽首以復鄭君曰爲令難爲興令彌難何劉侯任事之勇而成事之速乎我興疲乏十倍他邑用慈則失柔而怠玩之心生用威則失猛而趨避之念作故往往令茲土者非無痼瘵乃身之意求其寬嚴得宜能登斯民於衽席者蓋不多覲矣

□劉侯來政未及朞遂使頽尾如燬之衆皆獲有室家且

□□餘纂修邑乘爲千秋不朽事哉揆厥所由蓋以□心

行實政不事矯飾不立名譽視邑如家視邑人如子故能治勞絲而不亂解全牛而騁然也昔司馬君實人物爲一代冠冕只是脚踏着實地張益州勛名彪炳天壤無過於慷慨有大畧以侯之政事概侯之生平豈與司馬益州有歉乎哉至若志之欸項侯言之詳矣奚容贅

考

蕭公廟蕭公事實攷

國朝 鄒夢蓮

古今人物莫備於歷代史與一統志然而傳之既久學者未嘗舉其名十大夫莫或求其實無他功名在一時而德

興安縣志

卷三十一

考

八

□未能及後世也昔聖王之制祀典也法施於民則祀之以死勤事則祀之以勞定國則祀之能禦大災則祀之能捍大患則祀之古今祠廟之存大抵不越此矣若順天王感應蕭公者生於李唐臨江郡一船長耳當其時名不出於里巷身未列於朝廷孰知千載而後廟食勿替以至今哉其事鄉人流傳奇詭莫可窮詰獨仁和吳太初著宸垣識畧謂神得道於大陽州不知其名庶得史闕文之義云予嘗舟過鄱湖值風雨暴作遙見波濤洶湧檣傾楫摧舟中之人莫不震慄叩首於神誠感立應然後知神之享祀

天下者不虛也况興安稱古陶地當窰民舉火烟焰蔽空之日非藉神以水德濟之不可然則父老子弟之感其德而欲新其廟也夫何疑哉

書蕭廟攷後

國朝 鄒夢蓮

事不經耳聞目見而徒執紙上之陳言以爲據未有能得其實者予前作蕭廟攷所據者吳著宸垣識畧數行耳其後同人考之江西通志志載蕭公新淦大洋洲人因遊四川從舟人寄一貓重千餘斤云云竊意舟中以鐵作矛值風浪大作以予投水中則舟不動矛與貓音近載筆者偶

興安縣志

卷三十一

考

九

不之察是以貽誤至今耳蕭公爲唐時船長唐都關中歲漕東南之粟其時雖江南之舟不入黃河黃河之舟不入洛口然江漢之間豈無一二遺跡惜未暇至其地一詢訪之憶予自壬子至己巳三遊京師歸舟皆經運河運河之上有楊公祠數處楊名錫紱亦臨江人爲總漕時善政不可勝舉至今將及百年旂丁輩言之有流涕者其遺澤之感人如此予謁其祠冠服莊嚴爲之肅然起敬其生前名位與蕭公異而廟食於身後者無異古今人何必不相及惟有功德于民者之宜享祀勿替也

碑

縣北通慧橋碑

明 鄭以偉

夫財天下之大利大害也利則不捨害則不可不割愛何也寡無儲者願生一金之積富陳陳者積雖至百千億萬而心猶未有滅極也人情乎嗚呼利之多寡不侔而害終隨之夫就念其害而以樂始者造種種業展轉劫劫本所從來獨有一害更無他病佛王爲藥獨出一捨更無他藥能以此藥而療此病譬水救火應乎當滅云何衆生病不斷滅非衆生咎而引之者過也竊嘗觀人取米投坑窵中

興安縣志

卷三十一

碑

十

見者都恨若以此米施諸鳥雀見者俱喜鳥雀無知愛人此施何異坑窵而人有心且悅且恬如使引師心心福果鈔鈔來因則此施者與棄遠別由斯以談愛非衆罪捨有師緣豈不信哉他方之民雖曰勞瘁衣食不備所獲毫末所苦無量惟我興邑靈葛乘堅策肥一時炎炎得之也易享之也慊是故其人以慊故捨童耄驕憊寒邪枕纏嗣繼之後不施如綫人命者淺問不容髮墮落羅刹呼天父母悔懺福田當此之時身非我有是故其人以思故捨慊思二寶助發善修猗歟興人輕施樂捨甲于都州詎忍已甚

愛深敞帚有老比邱養名龍泉明通其諱未嘗戒也而律
自嚴未嘗求也而人自施人之施惠於物在衡損益銖黍
覺知了然慧之受施如水涵影雖千萬過無一留焉披久
多資普度無邊非佛誰勸非虹誰便不朽者顧嘿相者天
脫離若海貧富垂涎一念皈命祖送流泉上不虛作落成
有年橋洞巍然亭欄翼然碑立于下名姓燦然隨喜辦言
巖巖岑山石磴採費人力造化共安排慧師果誠一獅牛
怪乃鎮長廣琅玕識源混靈山窩尾洩葛溪驛南距閩越
嶺北接徽寧直川水永無灾居民安堵食往來橋上人口
興安縣志 卷三十一 碑 十一
得數晨夕如證一切捨受福廣終德

銘

陳康伯墓銘

宋 劉 珙

陳康伯墓在鉛山縣三十九都九龍岡宋孝宗御書其碑
曰旌忠顯德之碑學士金安節志銘又詔劉珙爲之銘銘
曰公起於布衣致位上臺平時樂易和粹與物無競若不
經意於世者及臨大事呼吸變化有安有危而謀猷靖深
動合機會羣公有不及之嘆世以爲度量似謝安德望似
楊綰庶幾可以無恨用能運動樞極再安天下□□□□

卒爲宋名臣兩宮知公旣深眷禮亦異保其功名全其始
終自中興以來輔弼大臣生榮死哀未有若公者也敷文
閣學士金安節已考其生平而志之墓矣臣復被命乃叙
其大槩且聲詩之以訓在位其銘曰天降時雨出雲山川
君臣之合孰非其然於皇上帝佑我王國是生魯公一夔
而足太上臨御三十年餘閱相其多誰公之如端委廟堂
百度以正無競維人四方其訓惟公德量淵乎近仁恕以
待物約以諛身人之有才如出諸已招延薦寵以効衆美
皇帝嗣服曰予仰成乃眷元老其呼不名如何乞身邊隙

興安縣志

卷三十一

銘

十二

又告袞衣來歸拊以談笑白髮蒼頭凜然在廷萬民顧之
有如德星君陳之書蒸民之雅千里相望庶無愧者日月
其逝人之云亡乘雲御風莫知其鄉瞻彼高墳藏是劍履
刻銘山河垂耀無已勅改諡文正誥曰朕事隆稽古志慕
尊賢先正保衡尙書所以稱伊尹維師尙父周雅所以頌
大公當時獨荷於美稱後世載揚於遺烈追維碩輔勸相
先朝尙聞將死之言未盡易名之懿爰加改訂用極榮懷
乃煥明綸式昭異寵故太師觀文殿大學士魯國公食邑
一萬一千九百戶食實封四千七百戶致仕贈太師□□

文恭陳康伯承家之子許國之忠道全而德鉅識遠而才
周學倡諸儒識天人相與之際望高前哲合君臣俱賢之
謀休明亶相於逢辰輔贊密裨於定策波江而見王導自
致朝廷之尊選衆而舉臯陶獨當社稷之計沒饗清廟功
書太常尙髣髴於餘風賴綿延於後葉木已拱矣久嗟□
徵之亡梁其壞兮尙載魯侯之誅眷德仰期於用勸好□
何憚於改爲惟成天下之化者謂之文而格君心之非□
期於正并稽二美深畀九原以肖麟臺圖像之思以示象
笏故家之懿噫佐主極而見長策今猶想於遺忠祐烈□

興安縣志

卷三十一

十三

而格皇天庸載圖於專□幽遠未遠大命維新可特改□
文正奉勒可如右仰牒本家照會勅到牒下奉行嘉泰元
年辛酉正月下通志

禾川長史張公墓碣銘

明 陳 璉

故禾川長史張公葬毛源山之原厥嗣工部主事炎以公
行實請曰先人學行重於鄉政事聞於時惠澤及於人而
墓門之石未有刻辭得先生之言則有以信於後矣按狀
公諱宏道字德裕別號湖峰其先德興上和人世爲仕族
衣冠蟬聯後先輝映宋淳熙延祐中七世祖粹始遷弋陽

之果塢再遷於瑄山父和甫有德操四子公其一也生有至性事親以孝聞處昆季友愛早從申先生肄舉子業遂通經術後爲禾川幕雖以廉惠之政稱於人而志莫之遂投牒竟歸綜理家政冠婚喪祭一遵於禮未嘗稍徇流俗遇時節輒治具會親友陶然以罄其歡歲饑有來糴者心平其直自遠至者且飲食之復資以路費親戚婚娶後□者助之死喪無棺者給之其急於行義類此二子琬琰皆克有成琰毗贊冬官卓有能譽女勝玉適貢士劉九成孫男九人孫女四人卒年六十有一於戲公負通敏之材□

興安縣志

卷三十一

銘

十四

仕止一幕雖位不稱德而政事可稱年未及艾奉身而退志篤倫理澤加鄉鄰視彼苟祿昌進汨沒忘返者有間矣而可使無傳乎是用述之而繫以銘曰有美禾川聲光煜煜雖試一官非志所欲官政旣謝家政以治義昭惠流人皆德之身雖云亡名則不沒墓門有辭過者必式

行狀

廣東參政張公行狀

明 王愷

公歿兩越月嗣子海深瀛踵門拜泣而告曰孤不幸而嚴父見背先生素知父者願狀其生平之行將丐銘太史氏

□母辭按張氏之先自淳熙時有諱粹者由德興之上和徙居信之弋陽果塢又二世曰原始居於瑄山自宋歷元至我皇明代不乏賢祖諱懋字和甫隱德弗耀父諱宏道字德裕以才行爲禾川長史母侯氏生子二其一則公也公諱炎字玉輝號居易公未生也長史公夜夢一人正笏垂紳侍側翊日而公生焉自幼岐嶷不凡甫數歲從兄王潤入鄉校口授詩百首數過卽能誦從長史之任所見□租之民鞭笞傷體膚卽乞寬限長史公心甚奇之及長□學與里人羅翰同師會稽王士熙先生凡經傳子史醫藥

興安縣志

卷三十一 行狀

十五

卜筮之書罔不涉獵作爲詞章清新典雅孝弟出於其性居父母喪哀痛盡禮友愛兄弟人無間言宗族中有急□者則濟以財有負財者則□其券其師卒哭其墓盡心喪之禮永樂初領鄉薦□□邑吏有貪暴虐民者適觀風者至廣問民隱公上書直言之後從征夷大將軍平交趾軍中有掠子女以贈者夜則釋歸曰吾不忍生離之班師凱還值建北京宮殿都御史李公薦主冬官營繕事經營有法工匠効勞能聲藉甚遂陞屯田郎中時方面大臣員□薦剡交上擢拜公廣東布政司右叅政公性冲澹不事□

靡耿介節儉門無私謁蒞事以勤雖寒暑不□律身□□
雖毫釐不苟郡縣畏其威軍民懷其惠真可謂古之廉吏
而今之賢相也歟公生於洪武丙辰二月二十日歿於正
統己未四月初六配羅氏生五子海濟溥深瀛女一適尙
書陳伯昂孫鈴鳴呼公之生也有異兆公之壯也有善行
及其仕也著偉政所謂忠君孝親隆師親友之道睦族周
貧持身律己之行備矣又有賢子孫繼紹其後是雖沒□
無憾焉余學謏才踈不足以發其潛德姑述其□尙祈□
於文學者矜而銘之是亦不没人善也已謹狀

興安縣志

卷三十一 行狀

十六

祭文

祭陳魯公文

宋 朱 子

惟公德在生民功書信史大節昭然善終善始中興輔相
比立豪英曰文曰武各以其名孰如我公道全德備莫得
而名繁名之至繁名之至亦弗自知惟誠惟一衆善畢隨
士於見聞以多爲富公無不窺不以博著士於詞章以麗
爲精公無不能不以文稱匪清匪濁不夷不惠和不至流
廉不至劇論無苟異亦無必同溫溫其毅坦坦其恭□□
於中不專爲直大奸旣除國論斯一承流於外不□□□

苛矯不作閭里自安中坐廟堂宏綱是總主德既修民聽
不聳從容一言拔佞移寵帝納其忠人服其勇晚而告休
脫冕遺紳安車駟馬歸卧里門進不出位退不忘君垣屋
雖卑德義日尊羣行兼融尙不勝紀公亦何心有此全美
惟其不有道則彌光兩宮之眷四海之望謂當百年再登
承弼卒惠我民永綏王國云何不淑奄忽長終臨絕之言
不忘奏忠嗚呼哀哉我從公遊出入二紀晚途間關辱託
知己千里訃至一觴薦誠想公如在洒淚同傾尙饗

五言古 卷三十一

送楊申職方通判信州

梅堯臣

從來饒信吏愛寶襲侈越莫買冰玉盤蒼山斲明月明月
有時生窮巖有時竭君常抱清節歷職老無闕與我年齒
同獨未變華髮又爲江外行畫舸羨明發

秋日趨任信州途中遣懷

孫從龍 知府

悠悠涉世難脈脈矢心素驅車徧天涯赤城紫荆度嵩衡
江漢間庾嶺觸嵐霧我行豈不遙征輪幾回顧士生已懸
弧安得羣鷄驚黃鵠千萬程白雲□朝暮天上剖竹符翱
興安縣志 卷三十一 詩 一
翔倉皇路彩鷁溯鶩湖徘徊軫民務脂韋匪性眞遇合良
有數蔀屋幾顛連隨車欲膏露鬱鬱芾棠陰鉛刀欽所慕
清飈滌我襟曠焉徹天步

遊岑山次諸兄韻

歐陽洵 知縣

巨靈始何年斲破六鰲背梵傳三天竺香飄九秋桂涼月
蘿疊金罌風葉翻具絕巘石髮垂窈林鳥聲碎撫景多幽
懷長歌節慷慨遊行暮忘歸風光足心醉未辦買山錢山
靈應相待

遊七寶寺

楊 麒 尙書

□彼天童麓鶴巢萬松中七峯如寶聚轟轟呈仙蹤偉哉
賢主人鷹揚流厥裔跨勝剏梵宮允矣一方□雲仍冠蓋
士中挺南山公仁弼諸英彥檀那復振崇我來謁靈祠飛
步尋羅刹奇觀有高人話坐陳蕃榻

夜過興安道中卽事

萬鍾

雲嬾未歸山漏深夜將午樹色藏小巒溪聲落前浦陰沉
月欲橫風來翠交舞蒙茸卧古株隱屈若乳虎桓桓一老
翁弄嬰尙當戶引項問旌蓋伍伯呵之怒反咄婦孺觀官
長誰行部減騶而飈趨云乃公若祖年年祇候多若個碑

興安縣志

卷三十一

詩

二

茲土長抱掩兩扉深息忘作苦所以邱山人雞犬共太古

次郡侯夜過興安韻

張國經 知縣

電駕夜驅馳火燎時旁午樹搖迓北旌月掛遲南浦父老
扶而觀兒童欣以舞云是我福星稱爲今繡虎下車蘇疲
郵流膏霑萬戶式度玉和金可擬孫無怒頒示遏雲歌畱
題所按部益仰斗山高登壇作宗祖所以簡命膺衡文在
斯土交慶得賢師誰嘆遺珠苦黃瓊若何人名共垂千古

答費鵝湖水災歌

鄭毅 中丞

忽聽扣門聲呼童聞有客問童客何如云客頭已白衣裳

半泥沙面貌渾菜色自言昔遭兵今又逢水厄家業付東
流世味吞黃蘗欲死已無棺求生又無策鄉邦有仁人扶
筇訴艱棘我一聞此言寸心真怵惕倉皇爲披衣相見坐
以席亟欲問其詳未語淚先滴云今歲庚辰六月當九日
雷鼓振天鳴電旗翻地赤風雨驀然來天地都昏黑高嶂
起驚濤層巒崩巨石溪石山上浮山石田中積水漲高如
山莫計尋與尺低田盡爲溪高地皆成磧或謂起山蛟或
云騰蜥蜴突然到吾廬浸沒墻與壁大兒亟升木顯婦已
無跡少婦牽孤兒登樓梯已失兩弟逐猪牛一去無消息

興安縣志

卷三十一

詩

三

夫妻子母情悠悠竟何極哀哀鴻鴈羣今作魚龍食父老
豈前知預辦登山屐餘生幸苟存晚計何能畫屋破基已
荒沙礫難爲拾竈沉倉則浮米粟無遺粒呼天夫已傾呼
地地已拆官衙似海沉門屏多遮隔遣子訴衷情三見三
遭斥鄉人似予家不止二三百欲語氣不充欲行脚無力
無田尙有糧無丁尙有役里胥肆徵求雞犬無寧夕倘念
同一鄉幸爲施陰德嗟我無官守嗟我無言責欲濟杖無
□欲賑舟無麥汝饑由我饑汝溺由我溺官若聽我言我
豈爲汝惜相送淚盈把不但青衫濕

巍有三天極險摩空作異想俯瞰石欲奔仰眺天無恙行行松

樹杪坐坐白雲上瞻顧絕塵凡咳唾動星象

振衣萬峰頭不敢小心目東南煙幾點鄱湖水一朶怪石

欲拜人寒蟬響吾足攜詩復搔首其事未免俗賤子再拜

言殘疆藉仁牧嶽神信有靈鍾孕豈無屬爲邑侯祈嗣也

自有宇宙時茲山遂鼎峙登者果何人杳然不復記羊祜

信爲賢杜預亦難比勛業與聲名峴首同礪礪丈夫生斯

世一切應俯視邱陵不足學泰山當仰止

望龜峯

鄭大雅

興安縣志

卷三十一 詩

五

龜峰三十二峰峰競孤峭森壁碍歸雲高崖觸飛鳥杉檜
疑高秋雷雨鬱冥奧石罅走龍螭雲巒蹲虎豹松濤引靈
籟蘿月失全照莓泉洗石詩山僧坐谿篠萬象呈幽奇石
山扼樞要何當陟高頂一領衆峯妙

謝邑侯張仍渠先生禱雨

鄭人瑞明經

上天本仁愛雨暘無差忒聖主重農功艱難知稼穡設官
代牧民教養分其職愛恤厪宸衷屢逢頒詔勅上官且清
廉恩澤蒙其實利乃勸興行弊卽嚴禁革諸郡較信州信
州遜他國六邑比興安興安殘已極觸目盡荒涼滿城皆

荆棘兼遭兵燹後誰爲我培植幸遇張循良毅然爲己力
二十二里餘落落動悲惻催科寓撫字寬厚無苛刻履畝
親課農農人稱唧唧所爲必告天晚香亭畔識所行恐傷
民思補堂中飭良吏擅威名狐兔胥藏匿蕭然冰署中琴
鶴伴胸臆淡薄性所甘靡麗非所惑蘊藉與風流道州相
與卽無何旱魃侵年年受彼剋勞我侯精誠禱求事匍匐
夙夜惟寅清齋必變其食甚至食不暇每到日之昃憂樂
必同民實爲官之式更憶甲申春民爲饑所逼穀價日高
騰民皆有菜色我侯力救荒先發廩爲亟施粥濟其餘毫

興安縣志

卷三十一 詩

六

無所吝嗇歡聲動若雷民稍得安息夏復遇亢暘雨露全
無得侯卽自迎仙較前心愈盡宿廟懇投詞寤寐多反側
未幾七月初重霧障西北人且望雲霓須臾雲潑墨移時
降甘霖滂沱滿溝洫實惟侯感通不用多推測一戴天之
功再頌君之德功德縱高深還藉侯羽翼

與汪砥齋登鼓閣樓山頂

楊人傑

去路豈云渺來路一何遙林巒風物好相與陟岵堯卧雲
薄軒車抱膝親木石我生樂事多遇目皆堪適登高時一
望寥天入眼空須臾歎觀止拂袖乘長風

讀興安縣志并贈甘簡齋明府二首 戴第元

信州佳山水崢嶸饒冰玉古郡隸餘汗由來領縣六橫峯
勢巒岼遙對鷺湖曲厥壤利用陶合土盈一掬盃如茂陵
貴浙處龍泉族實繁有其徒徧處雜悍俗窳政需萬室□
司特專屬繼分符以判而不能約束時或呼庚癸攘奪及
米粟世廟徇民請截長補短促上饒弋陽地立縣岑山麓
改邑不改都日暫久則不二百有餘年編戶勞司牧

盛世惠愛長春臺澤優渥越罹寅卯變瘡痍久未復環城
數十家朝煙朗晴旭蓬蒿滿山椒衙齋映新綠急溜何泠

興安縣志

卷三十一

詩

七

泠湖嵌勢剝碌有鳥夜怪鳴鼯鼬下灘谷土囊倏怒號天
吼惟獸伯捲旆拔連抱飛蚨飄瓦屋余亦肅然恐荒庭披
苜蓿卓哉使君賢風清膏雨足詎云挾彈丸儼然列蒲穀
我聞昔昌黎陽山食微祿無民無丞尉松間書可讀有客
剝啄來詩成酒正熟至今賢令尹風流景芳躅披志動幽
懷長吟事遐矚撫琴如可歌衆山響應谷

興安道中三首

蔣士銓 翰林

羣山奔會中孤嶺每一卸叢叢灌木合隱隱邨墟藉後巘
降已深前谿入猶乍田疇好風日宿雨長禾稼丈人倚柴

荆召客至茅舍繞屋栖餘糧倉廩無隙罅豐年豈有常比
戶畢婚嫁

連巒石輪因起伏散壁壘我疑神人戰旗鼓擲於此免胄
鬣爾顛覆金赭其底時清洗兵久刀劍不須砥地力用各
殊藉以鎮郊鄙團團列星隕鞭撻孰能徙崩崖垂象鼻宛
若鉅橋圯石爾苟能言吾將敏微旨

靈山自端居岑山走一臂側嶺卧高原城郭壓肩背縣門
帶場圃榛莽雜蕪穢街衢日色薄寂寞吏民對昔聞聚逋
逃據險亦可畏荒墟存黑灰冶竈今則廢懷哉古人心建

興安縣志

卷三十一

詩

八

置豈無謂

興安雨後卽事

王賡言觀察

入山不見城入城不見山時有雙飛翼棲息齋閣間朝與
白雲出暮與白雲還城市如山林未昏先掩關

到任二十日卽訪司業李公燁百歲坊距遇公時已

四十四年矣詩以誌之

王光弼訓導

仙根號李先生南昌乍識面九十九歲人精神經百煉黃

宅共居停朝暮往來便香火奉文昌師恩猶戀戀寓中奉
有文昌

及業師位拙什贈兩章文詞媿華艷先生如拱璧再四讀不厭

一朝福命至藩撫文章薦大鵬搏風舉老龍隨雨變三場
正草全得預瓊林宴欽賜從公始藥榜耆儒徧復晉司業
銜名上金華殿鴻文揮藻翰鳳律蒙恩眷榮寵施稠疊足
爲宿學勸我年七十九到此興安縣司鐸非爲貴克訪古
碩彥見此百歲坊百歲人如見

岑山洞懷古

葉向榮訓導

懸崖一角垂石磴盤空起小徑如羊腸曲折通其裏斗室
放光明予心曠若此老僧不避客坐話無生理手劬山中
雲口吸石間髓歲月想諸天鷄犬人間耳木落千山空悠
興安縣志

卷三十一 詩

九

君子

望龜峯

葉向榮

雲氣何逢逢散作靈龜峰龜峰三十二一一青芙蓉琪花
與瑤草淺碧間深紅攬纈不能盡趺坐倚長松驚濤捲地
來夾水鳴淙淙摩泥洞在南水簾洞在東一溪枕雙流蜃
樓跨當中樓中何所有丫髻兩仙童示我一卷書讀之不
能終斯文出蚪斗吾道如蟻蠓圖籙及寶藏其義將無同
童子點首去雙雙騎癡龍別我向西行訪道歸崆峒我去

□何之路斷白雲封

周星圃約遊岑山洞未果作此促之

吳

煊

南城孝廉

駕言出岑洞乍聞神已往遲遲未有行豈惟悞晴朗子本
澹宕人天機妙清爽詩酒力能豪不偕我遐賞洞口雲欲
封登高徒景仲鐘聲曳夕陽松濤接清響出郭三里遙迢
遞疑天壤山靈笑客癡接引勞伸掌癖性珍蠟屐一生能
幾緡五日請爲期將子母相罔

葛源

徐

駟

知縣

巍巍古信州山勢胡險峻葛源一村落何代闢蹊逕峰巒

興安縣志

卷三十一

詩

十

週四圍其高皆千仞翠壁自巉巖紅泉相掩映中央乃平
疇泉甘土亦潤溪流蜿蜒來石梁長虹亘桐檉植道旁松
杉滿山磴居民有千家大族數四姓書詩述祖德衣冠從
先進黍稷致孝養耕稼樂田峻豐足無追呼鷄犬亦寧靜
但解慕唐虞不知有魏晉昔稱桃花源此間毋乃近我本
茗水漁夙昔喜幽勝下車岑山陽尋山造茲境父老杖鳩
來兒童竹馬迎我非此中人見者駭觀聽咸爲具雞黍相
約來問訊豆籩竭禮數揖讓致恭敬不識近浮華樸誠由
天性荒祠信宿留秋雨路泥濘佳節近重陽登山阻清興

美屏若仙姝窈窕明粧靚笄尖擁髻鬢旁列類妾媵仙巖
杳難攀幽懷託吟咏水石有良緣閒居少悔吝安得買山
居結廬守吾分勿學問津人出山心悒悒重來忽迷途雲
山不可認

七言古

賜老歸田

陳康伯

憶昨東京拜將時武夫前導爭馳驅上奉天子一人命下
率百僚羅網維泰階賜膳侑金幣上食供進黃門賫夜來
胡塵犯邊土手握億萬兵擒虜揮揚殺氣橫九秋指揮猛

興安縣志

卷三十一

詩

十一

將皆貔虎八荒掃蕩沙漠空旋師奏凱明皇宮英雄富貴
皆常事辭榮解綬歸興濃白石如玉泉如酥河清海晏樂
耕鋤雉鳴麥秀花卉敷親朋會合情歡娛有子可教孫可
訓有書可讀田可租常願年豐五穀登斯民安堵心則愉

甲申仲秋陪邑侯馮公同寅陳公遊岑洞

熊啟堂
教諭

路入岑山躡洞遊山光顥景望中收桐飛落葉涼風細松
澹清陰爽日悠爽日涼風秋氣薄振衣直上探幽壑溪流
峽老飲元猿樹密煙籠巢白鶴層層青嶂近爲侶片片白

雲間作主忽聞鐘磬度林來知是半天開梵宇曳杖披荆
謾仰眸石爲門戶嶂爲樓不須土木眞天造一幅懸崖罩
比邱比邱險絕徑如環七寶莊嚴在此間俯視塵寰千百
丈近瞻霄漢兩三灣芙蓉千朵生金粟瀑布一泓濺鳴玉
說甚東林古洞天白蓮瓣瓣騰雲足石磴行行又數武幔
亭蘿幄半含吐洞中不識爲嬴劉豈羨人間有簪組公餘
喜借出城闈暫解玉珂遠俗塵花滿輪蹄泉奏瑟九秋化
日接三春凭欄坐望鳥沉溟揮塵劇譚蛇出聽我幸追隨
同謝眺敢辭太史夜占星

興安縣志

卷三十一

詩

十二

九日同連繡谷岑山登高悵然作賦

馬光遠

縣丞

川原到處看蕭索荒城一帶雲山碧招友登高躡岑嶺上
下秋光吊秋客振衣絕頂豁心胸啾啾白帝來騎龍石室
仙人顧我嘯長風謾謾生高松此日孟嘉非耽酒賻睨王
侯何所有鬢鬆短髮看繽紛箇中萬物皆芻狗世人玩我
我玩人問君歌哭果孰眞竹裏逃名棲誕隱花間漉酒覆
葛巾曠達之中有妙理謫吏牢騷到此已繁華繫日畱王
孫莫挽東流大江水於是連子亦徬徨老僧邀予共黃梁
笑問望中何所見余乃憮然俯仰嘆息餘生亦一陵谷之

□桑

題丫頭巖

方與同署巖事

女媧煉石補天缺擲下餘砂挽雙結歷盡春風懶學嬌沐
殘暮雨誰為悅白練衣裁巖畔雲青銅鏡展天邊月大姑
小姑若嫁人汝寧肯作箕箒妾

丫頭巖

劉弇

弋陽之東當古道有石突兀號丫頭苔侵蘚剝風雨蝕骨
幹聳削如鑱搜草木焦禿僅比髮獨瞰平臯凝秀發淺深
丹頰輝晴霞髣髴瓊梳掠初月行人躊躇眸子眩癡女乖

興安縣志

卷三十一 詩

十三

羊亦何別惜哉偽熊苦昌真土俗傳誇疑有神陰崖黝黑
穿脅腹石眼六七聲粼粼君不見望夫嶄嶄亦頑石似不
徒然肖真魄顛預血食爾何補登進雞豚始乘隙安得變
化置八荒畱作膏腴豐稼穡

篁川八景 存二

舒鰲 御史

隴雲千頃煙雨春幽村闢戶迎芳茵時聞擊壤發幽吟此
地應有耕莘人 黃輿農謳

村居俯矚清溪流下有漁父來扁舟滄浪一曲蒹花秋何

當天子寤寐求 涪溪漁唱

一峯卓筆天外馳，猗猗松竹凝朝曦。古來嵩嶽人文歸，百年豪傑會昌期。荷峯呈秀

題羅漢寺二首

鄭毅

朝看僧下村，暮看僧入門。袈裟重抖擻，尙有塵土痕。參透俗綠空，是色冷雲殘。月共黃昏。

朝拜彌陀堂，暮拜觀音閣。飛紅滿春院，疑是仙花落。人間苦海知幾深，冥冥此道何時覺。

拜王有道先生墓

鄭大雅

靈山山奇奇，似石靈溪水深深。而碧先生勇退居，其間無

興安縣志

卷三十一

詩

十四

恙煙雲供揮斥，自唐歷今幾百年。茫茫滄海變桑田，對相門牆何處問。校書坏土獨巍然，勁節高風不可沒。不在詩名留斷碣，素月黯淡子規啼。中有人焉呼欲出。

贈邑侯劉百一先生

鄭大雅

斗大孤城岑之麓，滄桑一變市如谷。斷草寒煙幾十年，一望荒涼慘心目。城內城外總空虛，三家兩家破茅屋。窮黎奔驛罔寧居，生聚教誨竟誰屬。嗟民恃官猶恃姥，恩斯勤斯賴仁牧。百姓望公如望歲，人人倚作荒年穀。公來約法祇數言，父老聞之咸感哭。一切秕政俱報罷，恍如塵垢獲

新沐盤根錯節衆攢眉奏刀騏然報效速大儒立德不草
草太平官府寧碌碌坐看荒城回泰運琴韻花香風穆穆

遊岑山洞二首

國朝 戴第元

四月八日夏清和驅明步入岑山阿神剝鬼削開靈竅曲
徑雲霏斷薜蘿石頭爲屋竹爲屮磬鐘聲出層巖裏妙相
奇離自天成蹲者獅象卧者鯉莊嚴佛座金碧施繚繞爐
煙蛛網遲雙丸影射三千界一滴泉香十二時其下蛟螭
起煙霧人言中有仙人墓不聞神仙葬北邙此□荒唐渺
難據長嘯劃然山欽崩茗椀清涼得未曾却忘日午天炎

興安縣志

卷三十一

詩

十五

蒸更上岑山第一層

更上岑山第一層山形犖巒幾頓登朝風高吸屋□□水
田衣博揖者僧禪房曲曲軒窓曙砌下嵐光森竹樹豁達
不似向前幽千峰萬峰奔若鶩嵩眺遐瞻倦眼開何年劉
阮到天台出山况有崩騰勢誰遣魚龍舞十迴燒香臺近
天河瀉時有仙風落落而吹下題詩怪石已模糊彷彿爛
柯字如寫我亦狂呼發浩歌陶然醉我金叵羅猿啼鴉背
夕陽多四月八日夏清和

十桂行

興安學中百餘年物

戴第元

夢不到廣寒清虛之天府足不到招搖皋塗之名山偶作
杏壇香案吏坐我青青叢桂間桂兮桂兮森列兩廡剛口
星精聚於奎儼然天數五而地數五何年風雨度高岑虬
枝偃蹇盤根深仰若華蓋籠蒼翠來巢山鳳與文禽虛巖
隱月石室留陰古苔曉濕蒼龍夜吟手執一卷南牖下秋
風颯颯吹我襟吹我襟彈我琴香飄犀玉蕊散粟金童子
來掃落花去釀作香醪適素心羣呼仙友樂且耽

二柏行

亦學中物

戴第元

山雨空濛搖蒼翠浩劫光明青石氣坐焚栢子十斛香仙

興安縣志

卷三十一 詩

十六

種移自磅山至卓哉古幹聳青霄拏雲灌露風刁刁雙口
不入華林苑玉衡煥彩連魁杓我昔曾遊太學日黛色參
天勢鬱鬱龍鬚一一足心神後凋喜掇家丞實惟後彫分
傲寒霜君子不屈兮獨抱其中章叶我欽對此夢義皇枕中
嶷聞長笛聲叶商

油筒石歌贈胡漱玉

葉向榮

黃家山下兩奇石少長相亞如弟昆星胎原自一氣結不
知來自河源自崑崙開鑿不煩五丁力中含太古蒼白文
若與上皇諸石爭品題八十一穴之中名望尊興安奇石

奚翅此東有丫髻北印墩印之取象以圓整丫者雙岐象
髻分近如岑山獅象及鯉石象馴鯉伏獅則蹲稱名取義
百維肖此曰油筒殊不倫嘉慶四年正月春流雲凍合千
山昏大地茫茫不可辨唯此氣象崑崙勢輪困有如東□
破土出太素凝結先天根瘦骨稜稜不受削凍皮斑駁一
霜紋我時見之不覺叫奇絕拔地雙峰何嶙峋初疑蒼□
過此脫其角雙雙倒地走龍孫又疑巨靈壁山遺掌蹟兩
指抓破青山痕以此語人人不然再拜起爲丈人言人生
何嘗有名字無名之始通混元肖物賦形豈可以名狀形
狀既失名焉存丈人不笑亦不嗔曰名何足喪吾眞呼牛
非牛馬非馬人猶如此石何論嗚呼石猶如此人何論

和黃桂軒遊岑山洞古體一首

葉向榮

西風吹落滿城雨雨脚高懸□雙舉予時欲行猶未行手
招山靈坐與語上岑嶺度高原山童報客僧候門我顧僧
人笑而言如斯遊客無乃煩石縫天開一線窄低頭更向
此門入山中泉石洞中煙鴻濛都作太古色須彌何大世
何小口不能名心自了坐來不覺天地空鐘磬無聲山悄
悄茲山開創三百年金粟一堆埋金仙有佛無佛急走過

何人踏破火中蓮蹲者狻猊卧者鯉有獅石此猶洞天卷

石耳儻從果報說前因直教諸天現彈指無生無滅無輪

迴休論凡胎與聖胎放下屠刀便是佛心頭各各有如來

因果根從一念起芸芸衆生皆佛子可憐凡眼但見金誰

知眼閉金亦死洞中開山僧掘地得金銀佛說無生人不

悟請看死者仙人墓中有仙人墓須知一滴是靈泉有一滴泉祇有

來處無去處

登披雲山與雪航上人夜話因題寺壁 周 瑛

天外飛來碧芙蓉摩空聳出三奇峰青壁萬尋當面立白

興安縣志

卷三十一 詩

十八

雲一抹半山濃絕頂疑無立錐地磴窮忽見煙中寺平原

十笏田園寬此境寰中見眞異深林罨靄雨初開桂香時

逐涼風來宅幽勢阻人罕至山穀肅客歡追陪煙霞痼疾

巢居子誰解拈花參一指出嶺微光吐新月影入池塘淡

如水幽虫咽露音轉清松風謾謾况盈耳上人揮塵愛談

禪終宵發難殊未已漸覺窻前曙色分杲杲寒日從東起

下窺來徑正微茫此身不在紅塵裏

梅雪寺大水紀事

毛克舉

癸丑七月二日午溪水暴漲勢如弩此間惟有梅雪高堂

廡亦浸二尺五一望北陌與南阡奔騰澎湃蛟龍鼓村舍
波湧欽浮沉樹杪逐浪時吞吐詰朝膏腴變石田只見沙
礫不見土墻圯園淤屋頽斜豚失羊亡粟紅腐人人痛定
神猶驚一日夜與魚鱉伍我非同病却相憐忍聽唧唧虫
吟苦

五言律

遊岑山

夏言
大學士

疊嶺開巖洞幽林隱佛宮雪殘青竹裡犬吠白雲中徑絕
無塵到山深有路通寒天共諸客小坐萬緣空

興安縣志

卷三十一 詩

十九

遊岑山

費宏
大學士

天劃山腰洞神剎石竅泉野眸眞快我塵眼一醒然坐久
雲成宇吟邊樹拂煙誰能忘世慮來此學飛仙

遊岑山

吳希孟
知府

山峻迴樵徑岑虛起梵官旌旄求樹下鐘磬發煙中上界
靈光動三台御氣通蒼生望巖穴獨鶴在長空

遊岑山

丁洪
知府

二月岑山上春光一度新曉雲行紫馬巖竹散青筠釀雨
泉蒸石窺崖鳥喚人興來無檢束隨意寫天真

遊岑洞

歐陽洵

翠壁立崔嵬羣峰列障開崆峒幽谷氣虛幻寶蓮臺凭檻
生低仰穿崖悟去來梵音渾不息鐘磬響深隈

因門人費嗣宗汪采卿暮登岑山洞又陳明府餉酒

二首

黃汝亨

日色冷松下煙容上翠微高山遲暮景新月逗斜暉石竇
和雲靄泉聲帶雨霏坐來禪共寂真可澹忘歸
已得譚經侶忽逢載酒人夜看山色好醉識道心眞佛火
明初地繩牀寄幻身窅然鐘騁外轉覺白雲親

興安縣志

卷三十一

詩

二十

龍泉菴坐雨二首

王舟瑤 知縣

策杖登初地塵氛積雨清下臨雲海白近喜水疇平瀑布
千巖瀉飛泉萬壑鳴坐來心愈寂看取得無生
梵宇嶽岑結天花夏雨連氣蒸千里霧人證一乘禪徙倚
陰晴互皈依色相元下方鳴戴勝原隰草芊芊

別岑山二首

鄧宗京 知縣

六載岑山下宦情等野花巖僧來問偈松鶴報開衙坐數
米顛石行烹陸羽茶雖無歌舞政贏占勝緣奢
人住渾相戀臨行倍黯然夢中辭瀑布馬上送峰蓮明月

誰長主啼猿可共憐不知金齒地能有此山川

岑洞和費狀元二首

方崇

絕壑千年樹懸崖一滴泉塵緣何日了異境自天然聽唄
龍分墨烹茶鶴避煙坐忘歸并念真欲挾飛仙
孤峰天外碧接閣翠微間雨浥林花靜雲隨野鶴閒燈殘
深殿冷路曲小橋灣我欲攜鉛汞拙添養大還

葛源村

劉定之

市遠紅塵隔村居頗似仙晴雲長護竹春草自生煙水遶
青蘿合山迴綠樹連更看幽勝處猿鶴下山田

興安縣志

卷三十一

詩

二十一

瑞虹亭二首

朱拱辰
通判

岑山萬谷顛石屋洞中天古剎橫雲際喬松出嶺前蔓蘿
侵篆跡星斗瀾寒泉笑傲登臨處逃禪不記年
攜手岑山寺高天最上遊松濤翻落日竹影拂寒流席上
雲屏迥簷前星斗浮閒觀時一涉清興正悠悠

遊天台

朱拱辰

高閣雲生谷空明悟化源青煙沒鳥羽流水響苔痕半壁
通禪氣全身避世喧闐幽迷夫路相失月黃昏

遊巖山二首

楊南野

我屋巖山咫尺間中每縱登荒蹊穿窳篠飛瀑洒峻嶒蘿影
窺猿度松聲倩鶴磨山田欣大熟閒話及金滕

山中方世上渺渺隔仙凡兀傲希陶徑盤桓謝傅巖幾人
疲棘句 字着危剗耳目憑誰洗松風月下杉

遊三泔

周璞 教諭

爲愛三泔勝杖藜帶薜蘿地偏心自遠巖古景還多天霽
迴山翠風高遠檻柯不嫌雲碍頂且聽鳥笙歌

次韻

詹標 訓導

天畔巖扉闢攀躋出薜蘿逕迴松影合僧定鳥音多山漱

興安縣志

卷三十一 詩

二十二

通蟾窟天花綴玉柯岑墟城郭近鐘磬雜絃歌

葛仙宮訪友

陳復粹 訓導

遠俗須求友尋山每過泉古門斑石齒殘葉裊爐煙訪鹿
餘苔跡從僧問道元遺踪何處覓有個讀書仙

遊赭亭山二首

李奎 少卿

赭亭名最著乘興共攀緣路擁槎牙石巖飛瀑布泉回頭
如望井舉步若升天此卽蓬萊境令人思豁然

勢聳層霄表羣山罕與齊仰觀天甚近俯視地何低洞口
龍常出雲深鳥亂啼徘徊談論久歸步夕陽西

□□□李少卿韻二首

胡濬

□志傳聞久登臨喜有緣鳳棲巖畔竹龍卧屋邊泉仙境
更無地人間別有天畱芳應有記勝會豈徒然

萬仞橫青嶂高聯北斗齊池清天上下嶺險路高低第向
春前發鳥從閣外啼綢繆不忍別回首各東西

次李少卿韻二首

姚訥

赭亭多勝槩登眺嘆無緣鳥宿巖邊樹魚遊澗底泉葉迷
霜後路雲散雨餘天東望馳情切臨風思惘然

雙崖渾似琢突兀與天齊雲影迷窻暗山根接地低終朝

興安縣志

卷三十一 詩

廿三

無客到入夜有猿啼每恨登臨阻遙瞻葛水西

石壁飛泉

瑄山入景之一

樊鑑 給事

石壁自奇峭飛流一道泉雷霆喧白晝蟬竦落青天雪色
照人冷波光濺地圓農家仰餘潤大旱亦豐年

仙壇古跡

亦瑄山八景之一

張深 博士

麻姑遺跡在絕頂有空壇祇見千年槽誰畱九轉丹爲霖
甦槁稼遺佩委芳蘭鳥爪堪搔背徒思興亦闌

興安八景

劉儀寵 知縣

□□□嶺峯城北望霏微崖補雲邊闕嵐生石上衣松鶴

□□□□過挾青飛薄暮鐘聲發遊人尙未歸橫峰積翠

□□山城靜寒鐘帶月來一聲天地曉萬里霧煙開虎豹

□□寂龍螭夢亦迴琴堂無個事深省意悠哉龍泉曉鐘

□台最高處一望半東南萬壑爭呈秀諸峰並吐嵐山河

雲作界城郭樹相參寄語登臨者毋輕視小菴天台遠眺

習聽思岑洞登臨憶緒亭欲分函谷紫不共石人青隱隱

春天曙明明夕照肩地靈豪傑起莫看少微星赭亭堆霞

何處秋光漾盈盈水一潭月明堪作主泉潔不名貪草木

清暉濯江山碧玉函香焚獨夜坐看鳥出花龕馬潭印月

興安縣志

卷三十一 詩

廿四

寒原一片石似騁勢翛然不向林泉下將騰霄漢邊誰能

旌俗網似可載眞仙何日發長唳聲聞徹九天鶴石摩天

玉屏誰染翰筆筆向天書雁字揮毫後山嵐潑墨初驅雲

歸遠岫寫月過青渠爲問生花管光芒恐不如玉屏文筆

橫溪清淺水共說似蘭亭細細魚翻浪幽幽鳥下汀流來

一澗綠照去萬峰青不斷如琴響高人徹夜聽橫溪曲水

興安旅舍偶成

鄭日奎

荒驛羈棲日孤城入望時蕭疎如我慣落拓任人疑山翠

寒將滴溪香風自吹宛然罨畫裏賞會已成詩

有懷岑山舊遊寄邑侯劉百一明府 鄭日奎

每憶岑山勝奇觀橫古今十年幾戰伐一徑自幽深瀑帶
溪雲瀉松和山雨吟料知劉夢得盡譜入鳴琴

興安八咏

鄭日奎

靈山青未了此地得橫峰巖壑無端幻松杉若爲容嵐光
開薄霧夜色滯疎鐘待訪幽棲土煙霞路幾重

橫峰積翠

羣籟向晨寂鐘聲破窈冥萬山藏不住一徑去還停神鬼
路方迥人天夢各醒恒河沙劫劫彈指此中

龍泉聽曉鐘

力抗橫峰出摩空不記年到來登復頓入望斷還連地迴

興安縣志

卷三十一

詩

二十五

龍蛇蟄天低雷雨便齊州何處是九點只蒼煙

天台遠眺

岑陽平望處遠見赭亭山落日懸丹壁危峰展翠鬢遙知

深邃處應有老僧閒遊屐何年到雲松此共攀

赭亭堆霞

一鑑馬潭水偏於明月宜幻成空際色添得畫中詩影浸

峰巒溼光分草樹滋蛟龍寒不寐夜半恐潛移

馬潭印月

墮羽化爲石猶傳丁令威丹將霞作頂素借雪爲衣聞野

聲雖寂摩空勢欲飛肯同雞與鷲只逐稻梁肥

鶴石摩天

孤峭凌雲出江郎夢未通風煙任批抹霜雪幾磨礮地啟

文明兆人增辭賦雄豈同殷浩廢咄咄但書空

玉屏文筆

一水來無際，滌洄遶郭斜。桑麻浥餘潤，鷗鷺趁平沙。岼岵山如畫，沿堤人幾家。秦源疑不遠，溪上見桃花。橫溪曲水

遊岑山南巖菴

曹鼎望 知府

山間一小縣，背倚岑山昂。逕曲青松引，雲深古洞藏。甘泉滴石壁，佛火照僧房。乘興摳衣到，塵心頓欲忘。

凌霄閣

曹鼎望

既下復登山，頭一閣逢向。門環碧澗迎，面列層峰秀。色森松竹清，音發磬鐘開。牕來爽氣不，厭酒杯重。

送從子稼菴之興安令二首 名元衡 宋 琬

興安縣志

卷三十一 詩

二十六

爾作銅章吏，余慙華髮翁。香隨荀令綬，馬羨鮑家驄。井邑干戈後，家園涕淚中。先人俱出牧，清白是良弓。

仲容才本健，叔夜少而孤。莫惜折腰苦，須寬算口租。九江看虎渡，大澤有鴻呼。到日梅花發，題詩寄老夫。

宿興安

趙進美

徙猗庭階暮，苔衣見履痕。月臨官舍小，山帶女墻尊。古木寒兼雨，荒城靜似村。天涯傷短髮，獨坐對虛樽。

歸雲堂懷汪文定先生

鄭大雅

出岫知無意，東歸寧有心。堂留千古跡，雲結萬山陰。玉斗

清猶昔冰溪綠更深臨安歌舞地風雨久蕭森

人日遊龍泉菴四首

鄭大雅

值此春光媚何妨作勝遊行經松路曲話向竹林幽鐘磬
煙霞裏雲山几現頭曠吾千里目萬象一時收

欽盡名山意猶如讀異書披尋欣領畧深討愧粗疎雲樹
諸天外乾坤一覽餘慧公託體遠幽勝百年儲禮慧公塔

捫竹尋苔路披蘿過古龕巖懸石磊磊松老葉鬢鬢萬籟

聒天際一泉瀉碧潭到來心頓爽小憇坐晴嵐尋馬巖舊刹

薄暮春煙紫丹崖落照紅泉鳴千嶂雨竹亞萬山風僧定

興安縣志

卷三十一 詩

二十七

雲棲石鐘殘鳥下空興闌歸去晚得句付詩筒歷下洞

遊赭亭和李少卿諸前輩韻

夢寐赭亭勝登臨藉夙緣路經千丈石瀑布一山泉載酒

還遲月攜詩不問天風流前輩好懷想一愴然

離塵知幾許看看與雲齊雙眸無遠近萬嶺自高低孤磬

從天落寒猿入夜啼流連不忍別歸去夕陽西

杪秋偕劉白癡遊蓮花菴二首

鄭大雅

荒原畱野寺策杖偶相從墻列高低竹門通遠近峰松鳴

千壑雨僧學半村農薄暮空山寂寒蟬咽晚鐘

□□長卿句攜來坐小菴
清泉鳴竹塢好鳥住花龕
秋逼東籬菊晴飛遠岫
嵐冥搜原不厭莫訝客情貪

重遊透巖二首

鄭人瑞

山尋原不厭乘興復來遊
日永禪關靜風微佛殿幽
磬聲空谷應檀氣半巖浮
話別歸來晚斜陽掛嶺頭
爲愛禪扉寂何妨一再遊
泉聲依石冷竹影拂巖幽
聽鳥心殊韻談詩氣不浮
何時雲掃盡獨自坐峯頭

遊迎山

林濤
明經

勝地聞名久朋遊到碧巒
山花千穠白庭樹數楓丹
無雨

興安縣志

卷三十一

詩

二十八

雲常灘經冬夜不寒
杳然流水去別見地天寬

興安道中二首

王賡言

山城初過雨四野淡含煙
細草寒逾茁早花紅更妍
人行棕樹裏鳥語竹橋邊
東作農心慰春流足稻田
纔經遊絕壑旋復上高邱
突兀奇峰出縱橫野水流
人家俱太古竹樹儼清秋
行路不知倦山川豁遠眸

九日遊岑山洞

葉向榮

天教佳節換秋在異鄉
逢選石排雙洞看雲過
幾峰磬聲□院隔花影
寺門重不識阿羅漢何
年化古松

遊天台山

葉向榮

重尋流水去信步入天台秋老白雲塢人行黃葉堆山疑
佳處有遊許少年陪門外好風至爲誰吹帽來

遊北門嶺同漱玉

葉向榮

□徑通南閩橫峰枕北關雲收千嶂雨石擁一城山有寺
從僧借地有僧廬及門諸子寄寓於此無官似我閒風流成二老來往記
人間

天台山

周瑛

地高心自遠石磴俛盤盤人對千峰瘦泉飛一道寒暮鴉

興安縣志

卷三十一

詩

二十九

啼樹松晚磬落雲端勢壓天常近春星摘不難

七言律

岑山洞

王鏞

縣丞

高閣峻嶒景色幽西江寒影掛山頭生來野翠當窻盡不
斷名泉入檻流下界蒼茫元氣合諸天縹緲白雲愁簿書
鞅掌無多暇暫爾登臨作壯遊

遊岑山洞二首

方崇

轉壑穿林曲徑遙天風吹我上雲霄入窻宿霧浮生濕四
面晴峰遠欲招老樹挾霜鳴洞口寒泉飛布落山腰禱尼

□□原非幻特向山靈薦一瓢

雲樹深深小洞寒自從開闢得奇觀尙存棋局遺仙跡每
見風霜繞石壇巖底樓臺長突兀山中花木自彫殘鍾靈
孕育生英物慰我惓惓一寸丹

遊岑洞

汪夢尹

一徑紆回轉覺賒白雲深處是僧家巖前正對千年樹□
上時供四季花山色撩人堪入畫石泉瑩玉可烹茶塵心
到此俱消盡何必人間戀物華

宿岑山

汪夢尹

興安縣志

卷三十一

詩

三十

灑氣浮空玉露灑布袍初擁怯新涼禪修欲借燈傳法懶
癖從教筆卧牀山靜月明松自吼泉清雲白雁初行愁仍
不耐秋宵永漫對青天一舉觴

遊天台

朱拱辰

積翠峰頭樹匝林幽香結處是高岑雲煙風送凌虛閣崖
壁聲和白雪音山屐齒畱幽徑迹巖花枝折老僧心夕陽
半落歸霞晚莫把壺觴漫自斟

興安道中踏雪口號

陸虎孫

車騎駸□□曉征乾坤四望玉爲京樹含謝傅階前色人

擬山陰道上行孤岫出雲時隱見疎林映水互空明冰壺
擁傳清吟骨回首窮閭無限情

九月八日興安道中秋望用杜韻二首

朱在鎬推官

褰幃猶未授寒衣兩月章門始告歸薄宦又逢微祿斷山
城欲到故人稀孤鷹掠野風爭疾萬木臨秋葉盡飛擬把
紫螯對黃菊不禁鄉思與心違

逖聽秋聲萬壑哀驅車确犖苦遭迴離離朝旭啣山起策
策寒風倚樹來客子越吟常作賦旅懷吳望屢登臺明朝
兄弟同搔首且上荒亭一舉杯

興安縣志

卷三十一

詩

三十一

葛仙山祈嗣

鄭毅

手劈浮雲袖拂煙等閒飛步到層巔茸茸草色春深路淡
淡嵐光雨後天奔走十年真是夢清閒一日便爲仙商霖
未借臺前竹快觀青芝長玉田

葛仙壇訪見明尊宿

徐世溥

幽居幾歲狎偷安特爲孤峰上葛壇一卧煙蘿忘入徑長
看雲石對凭欄崖經野燒松鱗古澗挾餘冰竹影寒最愛
相逢無佛語成蹊共在不言瑞

將卜居葛源託家仲秀子往謀之

鄭日奎

葛源聞道似桃源
花落花開自一村
乞與個中尋片地
筮將此去隱衡門
酬知無自傾葵藿
避俗非關爲子孫
但作太平民已足
深山高卧亦君恩

野人不敢負初心
築室深山更欽深
但使煙雲常到眼
從教樵牧得相尋
流泉濬却堪澆竹
老樹畱之好聽琴
三徑他時如可就
邀君日夕共聯吟

遊岑山洞

胡大成

重巖杳杳白雲端
禪室還從雲外安
石竇懸泉晴亦松
門翳日夏生寒
焚香境逼諸天近
聽梵心依匝地寬
乍有

興安縣志

卷三十一 詩

三十二

晚雷喧萬籟
空花正隔世塵看

賻慧菴大師

鄭以偉 大學士

童子草繫今衰翁
龐眉覆雪來溪東
田衣百結雲常滿
罌器千家飯不同
江動龜鼉嗟杜甫
梁成魚鼈度朱蒙
多少簪纓徒束手
茫茫翻讓濟川功

遊水口寺

葉鏜

年去年來總是非
東風吹引暮忘歸
梵音遠出雲間寺
漁火初明水上扉
一徑冷煙迷鳥道
半江寒月浸人衣
欽知無限春消息
枝上梅花香正肥

遊天台菴次劉白癡韻二首

鄭人瑞

閒步禪關逸興開
泉聲飛翠濕蒼苔
鳥依澤畔窺人走
犬卧籬邊吠客來
頑石領經窗外聽
孤雲伴宿嶺頭回
高僧入定諸緣靜
却遇敲門夢裏迴

空山寂歷似荒墟
隱隱禪房傍竹居
樹密時聞喧鳥雀
松陰遙見聚樵漁
四圍景色收圖畫
半日清閒讀道書
倦倚花欄着眼處
風搖竹影拂階除

秋杪偕同學朱任重登魚山遠眺

鄭人瑞

碧秋天際削芙蓉
遠近山光秀一峰
野稻鋪黃催納稼
村興安縣志

卷三十一 詩

三十三

溪流綠恰傳春日
穿林影疎看竹風
送濤聲起自松憶
昔同遊多歲月
笑談不厭屢扶筇

葛源

鄒貽笏

攀磴援巖曲徑幽
蕭蕭風雨伴清秋
千章古木攢雲出
百道飛泉繞石流
野碓無人春自急
山桐結子落還畱
危巔繫馬頻遙望
煙火村庄一轡收

岑陽書院示同學諸子

鄒貽笏

岑陽講院小橋東
几淨窻明遠岫通
圭嶺嵐光晴嶂外
赭亭樹影晚烟中
未能免俗驚相笑
可與言詩趣不窮
昨夜

門前雪多少擁氈遲爾賞心同

重遊天台

鄒貽笏

凌霄結宇絕輕塵重訪仙源值晚春花柳依稀前度色山
川認識再來人千層危岫嵐光合百尺懸崖翠黛勻熟道
尋歸空日暮雲中雞犬自爲鄰

小天台

在縣治北上有呂仙洞

王賡言

絕巘登臨亦快哉今朝果得到天台路從岑嶺峰頭轉人
向純陽洞口來神女胡然履人世桃花畢竟爲誰開歸途
沾得濛濛雨也算遊仙夢一回

興安縣志

卷三十一

詩

三十四

和胡丹亭遊岑山洞韻

葉向榮

漫天花雨酒塵埃望裏雲峰四面開一洞風煙埋古跡半
空樓閣現如來柴門書掩僧歸未山徑秋深客到纔老佛
伸拳牢不放畱將因果費人猜

洞中有伸拳處

和胡丹亭遊天台山韻二首

葉向榮

青鞋乘興問天台幾處山禽喚客來舊路重經輸我熟元
關久閉待誰開碧桃難覓春前種丹竈空餘劫後灰若使
人人俱可度

石壁有呂祖像
顏日度人天

世間那復有塵埃

流水桃花兩杳然向時姊妹落誰邊行來已近無人境到

此如遊太古前茅屋數椽餘劫火荒城幾戶剩炊煙白頭
愁見山中老舊事淒涼說去年辛酉歲饑

初至興安

吳煊

城外青山山上城蛇盤蠖屈勢分明梯高欲與天相近野
窄無嫌路不平幾戶炊煙出林影一街更鼓亂蛙聲此來
我好求仙術何日丹砂煉得成

將之任南康畱別興安諸同學二首 胡學淵

匏繫岑陽十八年殘編數卷伴青氊胸無奇字慚楊子號
是先生愧鄭虔獨有此心堪自信敢云吾道少人傳鵞湖

興安縣志

卷三十一 詩

三十五

一脈誰能續還望諸君繼昔賢

鬢毛一任雪霜侵故我常存直到今室萃芝蘭多舊雨墻
環桃李半新陰青燈每爲論文剔綠酒翻因惜別斟他日
憑高廬阜立側身東望白雲岑

五言絕

姜村入咏

汪淵大寺丞

隱隱南山秀層層列畫屏雲開畱月白戶啟見峯青南山榜夾

高峯東獻秀中有讀書臺風吹花入硯竹送月盈林東岫書台

清流一溪水汎月上孤巒時時牽畫舫載酒花盤桓西溪曲水

飛瀑寒落澗潺湲弄清音可以滌塵慮無煩揮素琴北泉

白茅十八洞愛爾洞雲間最是神仙境飄然不可攀白洞

烏嶺煙霞暮怪石現奇蹤仙人留此記靈異古今同烏嶺

巍峯相對立中有一孤井井水澄如月照見碧天影雙井

林林寶樹列仙鶴巢其間曉天一長唳聲振南北山七寶

霞坊十咏 歐陽儀進士

名園春色深芳草鋪地匝亂紅點翠茵片片手可掇花園

高阜起田中類印突而峙笑語社中人青雲在平地社印

虹橋與蘭亭今古兩奇絕不晤蘭序人猶記蘭亭帖虹橋

興安縣志

卷三十一 詩

三十六

地幽人跡稀鳥語山寺靜鐘聲時一聞客夢午初醒寶鐘

遠山浮曲眉輕煙抹青黛不是陽臺雲那得有此態眉嶺

仙人已冲舉憇石跡猶在我亦厭塵勞捫蘿增慷慨石壁

石潭圓如鏡月色相蕩射泠然心地空水月總非迹鏡潭

東臯風色佳攜朋當九日口咏淵明詩手把菊杯吸東臯

潭水千尺強雪甚魚不餌底事龐眉翁欲釣此中鯉鯉潭

岬岬黃華尖暉暉日初出霞綵助青妍嵐光濕欽滴華日

南巖菴

曹鼎望

逕曲青松引雲深古洞藏甘泉滴石壁佛光照僧房

瑞虹亭

王 廓 學憲

上窺天漢渺下望雲山盡擬欲跨雙虹踏破廣寒逕

遊石梁巖

陳復粹

一逕未通時誰知五與六忽然登覺路巖石是空谷

遊仙巖二首

吳伯宗

偶喜尋幽境閒逢採藥翁丹邱知不遠只在碧溪東

石髓雲中現蓮花水上浮神仙如可待直到最高頭

七言絕

碁盤石

朱拱辰

興安縣志

卷三十一

詩

三十七

仙去曾經歲月多碁枰猶指石嵯峨我來不敢輕移着又
恐樵人爛斧柯

天台山大士巖

陳復粹

普陀林下大雄人誰識真身與幻身法雨慈雲隨變現峯
頭贏得一山春

遊透巖

楊應奎

數株紅樹半巖秋此日重來憶舊遊前輩風流何處覓青
山無語對沙鷗

登仙巖山

鄭 毅

石徑紆迴草露香分明仙境異尋常一聲天外飛來鶴滿院碧桃春晝長

重山

舒鰲御史

千山曉日雪痕收邃壁青回翠欲流暗與梅花有心約許分春色遍皇州

葛源八景存四

劉定之

石剝無人深且冥落花香點翠青青鐘鳴白晝松風發元鶴一聲塵夢醒古寺鶴鳴

數畝雲煙二月春一犁紅雨杏花新願祈歲稔輸公稅擊

興安縣志

卷三十一 詩

三十八

壤含歌作古民田坂春耕

一種靈苗可駐顏不羈塵網入丹山夜來火熟丹山就海

鶴高飛山月寒仙翁丹竈

憶昔何人此避秦桃花開落幾經春石橋流水依然在那

有漁郎到問津石橋古蹟

丫頭巖

趙宗錡

細雨斑斕石蘚春墜雲誰夢寶花顰行人總被虛名誤到得傾城又誤人

宿雲菴

釋粟如

留雲峯下三間屋促膝圍爐四五僧
案上凝塵風自掃
倦時高卧小樓層

遊岑山洞呈諸同人二絕

吳煊

石磴盤蛇曲曲登
竹輿兜我勝扶籐
不知仙路來多少
已在雲霄第一層

老厭紅塵喜入山
山中鷄犬似人間
松身已化阿羅漢
餘綠猶分到客顏

送廣文周揀夫歸興安

吳照

葛溪一老貌清臞
養就胸中智慧珠
記得信江曾識面
頎然白哲少髭鬚

興安縣志

卷三十一

詩

三十九

新春奉檄到南安
相見俱驚作冷官
趁得花時同泛艇
晴煙開處水天寬
輪來甲子恰初週
正值黃花爛漫秋
便掛蒲帆卜灘疾
童孫笑舞望歸舟

卷三十二終